



益公集壹部
參拾貳

省齋文藁序

太中大夫寶謨閣待制致仕山陰縣開國子食邑百戶陸游撰

天之降才固已不同而文人之才尤異將使之發冊作
命陳謨奏議則必畀之以閱富淹貫溫厚爾雅之才而
處之以帷幄密勿之地故其位與才常相稱然後其文
足以紀非常之事明難喻之指蒸飾治具風動天下書
黃麻之詔鏤白玉之牒藏之金匱石室可謂盛矣若夫
將使之闡道德之原發天地之秘放而及於鳥獸蟲魚
草木之情則畀之才亦必雄渾卓犖窮幽極微又畀以
遠游窮處排擯斥疎使之磨礪齟齬瀕於寒餓以大發

其藏故其所賦之才與所居之地亦若造物有意於其
間者雖不用於時而自足以傳後世此二者造物豈真
有意哉亦理之自然古今一揆也大丞相太師益公自
少壯時以進士博學宏詞疊二科起家不數年歷太學
三館予實定交於是時固多少年豪雋不群之士然
落筆立論傾動一座無敢撓其鋒者惟公一人中雖暫
斥而玉煙劍氣三秀之芝非窮山腐壤所能湮沒復出
於時極文章禮樂之用絕世獨立遂登相輔雖去視草
之地而大詔令典冊孝宗皇帝猶特以屬公於呼聖主
之心亦如造物非私公以富貴蓋大官重任不極不久

則無以盡其才也公既薨逾年公之子綸以公遺文號
省齋文稿者屬予為之序公在位久崇論竑議豐功偉
績見於朝廷傳之夷狄者何可勝數予獨論其文者墓
有碑史有傳非集序所當及也開禧元年十二月甲子
謹序

右

先公丞相文集二百卷初與先友免解進士曾無疑三
 異纂集校正篇帙既定又得免解進士許志伯凌鄉貢
 進士彭清卿叔夏羅次召克宣相與覆校敬鋟木以傳
 惟日記自紹興戊寅訖嘉泰甲子紀錄頗詳而書藁尤
 多皆未容盡刻寶藏惟謹當俟他日開禧丙寅中秋嗣
 子綸謹書

周益文忠公集總目

省齋文稿四十卷

平園續稿四十卷

省齋別稿十卷

詞科舊稿三卷

掖垣類稿七卷

玉堂類稿二十卷

政府應制稿一卷

歷官表奏十二卷

奏議十二卷

奉詔錄七卷

承明錄十卷

辛巳親征錄一卷

壬午龍飛錄一卷

癸未日記一卷

閒居錄一卷

丁亥游山錄三卷

庚寅奏事錄一卷

壬辰南歸錄一卷

思陵錄二卷

玉堂雜記三卷

二老堂詩話二卷

二老堂雜誌五卷

玉藻辨証一卷

樂府一卷

書稿十五卷

附

附錄五卷

年譜一卷

周益文忠公集總目終

周益文忠公集

總目

文瑞樓

省齋文集目錄

卷第一

古律詩一

五十四首

送陸先生赴春闈

贛江

題雙秀亭三首

彭永州夫人挽詞

道中憶胡季懷

舟中憶永和兄弟

抵蘇臺寄季懷

次韵王仲謨仲寧二首

和仲寧中秋赴飲莊宅

朱氏挽詞二首

送趙富文倅洪州三首

次韵丁維臯牡丹

再次韵約烹茶

次韵白蓮

次韵紅白蓮間生

次韵秋日禪房

次韵沈世德川泳軒 又次韵二首

又次韵劇飲

次韵趙公直賞心亭釀會

送鄧漕移帥揚州二首 送葛謙問

送毛平仲 次韵邢懷正遊蔣山

次韵周德友 送蔡德輝三首

送徐漕移憲浙東二首 送子開弟還江西

送張端明赴召十首 送沈世德還朝

次韵胡推官旅中遇雪三首

方孺人挽詞

卷第二 古律詩二 六十一首

送邢懷正赴江西提舉二首

留別金陵韓帥二首 留別蘇仁仲

九日哭子柔弟 次韵劉韶美送筆墨

次韵程泰之惠照院咏雪五首

分韻別胡原仲得早字 送李德遠得請奉祠

次韵洪景廬館中紅梅 次韵王龜齡省中黃梅

送王嘉叟通判洪州 送王龜齡赴越州宗丞

送聞人茂德歸嘉禾 次韵芮國器賀入館

次韵陸務觀病起謝隣里

次韵芮國器館中木樨三首

日智索詩

湯孺人挽詞

鄭氏挽詞

王宣義挽詞

送杜起華出守遂寧

次韻張真父遊湖山

次韵真父著庭緗梅

送馮圓仲出守邛州二首

送湯丞相守紹興二十韵

次韵鄒德章官舍芙蓉芭蕉

林黃中以黃柑食務觀邀予次韵

許務觀海棠未與詩來次韵

二色桃花送務觀

次韵范至能求二色桃

劉信叔挽詞二首

次韵務觀遺茶

送洪景盧使北

次韵務觀迎駕

次韵子中^元三首

次韵務韶美石芥勁酒二首

戲和務觀食江西笋婦絕句

次韵程泰之送猴

寄題羅長卿觀瀾閣蘭堂

讀史二首

卷第三 古律詩三 四十六首

四禽

次韵子中兄重寄臣字韻

次韵子中兄相迎詩 次韵務觀送行二首

張淵道挽詞二首 竹閣見梨花懷子中兄

足成夢作送王龜齡詩 寄題孫大同三桂堂

題神崗廟

赴永和寺觀罷散會慶節禮儀有感

再次子中兄黃雀不至韻

送芮國器 龍須道中

遊龍須吉祥善生諸寺 甲申中秋次子中兄韻

夜坐困甚 乘成臺觀雪

次韵王洋送蕉坑茶 易氏挽詞

與諸弟小酌嘗榘實戲成

題聳寒圖二絕 攜家遊青原

汪彥章玩鷗亭 題賀升卿中原六圖

次韵芮國器憶去年上元二首

次韵廣東芮漕時聞其部中寇退二首

胡季懷為秋泉之集以山果助筵戲作

病中次務觀韻

次折仲古韵寄題曹欽臣藏書室

訪邦衡咏菊二絕

次立宗元韵贈別

胡從周季懷許送白酒不至戲成長韵

送七兄二首

次韵曾英發運幹二首

贈孫次山

葛守送羊羔酒

邦衡送酒次韵

卷第四 古律詩四 八十五首

贈青衣道人羅尚簡

次韵邦衡二首

再賦羊羔酒

遊西臺次子載弟韵

府中花會戲成二絕

葛守錢倅和羊羔酒詩再次韵

次林黃中會邛守梓漕韵

南山蛟壞民田次胡英彦韵

解氏挽詞

趙持挽詞

次韵湯朝美古意二首

遊茅山道中馬上口占

戲示凝神菴張椿齡

次韵李彦平清賞圖

沈約之惠詩編次韵

池陽四詠

再登翠微亭和湯平甫二首

登九華山化成峰

登龜山

贈崇壽寺僧善脩

遊雲光寺留二小詩

泛清溪至玉鏡潭

望皖公山

遊廬山佛手岩

遊廬山巾大林

天池觀文殊燈

贈栖賢藏主可昇

遊廬山舟中賦四韻

陳宰有詩來迎次韻

七兄以詩相迎次韻

次七兄韻戲奉新：莊

次韻邦衡相迎

次韻張安國二首

寄題揚圖惠園亭三首

次韻揚文發

次韻樂順之贊遊山之樂

寄題陳氏益龜堂

次韻樂順之二絕

慕容氏挽詞二首

胡邦衡許賞金鳳詩復作木犀會

鹿鳴宴坐上次錢守韻

魯季欽安序堂次朱希真韻

邦衡出小鬟名以官柳聞近買婢名野梅故以為

對

揚昌英示性說次韻

再次韻送昌英赴麻陽宰

次韻胡季懷惠六出梅絕句

夜夢次陳立夫韻

次七兄相戲韻

歲除以柵送邦衡邦衡送牛尾狸次韻

邦衡再送二詩一和為甚酥一和牛尾狸

邦衡復用前韻作窮語戲和

雨中讀漢元帝紀效樂天體

次韻送楊文甫赴松溪 錢守青原瑞霽圖

邦衡生日以詩送北苑 邦衡再和再次韻

次韻季懷二首

季懷設醴再賦一章以疇五詠

尚長道見和次韻二首 遊善生院續夢中一絕

次韻邦衡送薰衣香

胡季亨示壽詩因其生日次韻

紫竹 武岡羅守挽詞

韋邦彥携王揚謝絕句相遇次韻

次陳平叔韻為贈 贈黃格非

卷第五 古律詩五

送梁山長老智顯 丘成之明遠閣二首

楊廷秀携詩訪別次韻 簡寂觀食甜苦笋

胡邦衡侍郎生日 送李仁甫湖北漕

次韻邦衡約深秋清集

邦衡再惠春字韻詩次韻

次邦衡慶生朝舊韻

夜直懷永和兄弟

重陽預約三館同舍登高于真珠園

翰苑作開講會次邦衡韻

次韻邦衡哭李懷

發策試館職有懷程泰之

陳叔進送鷄分粟為謝次韻

夜直玉堂次王仲衡韻

邦衡座上賦即事詩次韻

和范至能農圃堂韻

徐稚山挽詞二首

徐子禮挽詞

慶邦衡生朝用去年韻

入直召對選德殿賜茶

張孝愷挽詞

過鄔子湖

奉祠還家次繹姪韻

邦衡附記生朝貽佳作次韻

次胡長彥韻為壽

邦衡舉六日七分用五更三點為對感嘆成詩

足成劉文潛夢中絕句 次韻邦衡琉璃燈簾

送劉子和教授赴贛州二首

再次邦衡皇字韻

又次邦衡長子韻

又次李長彥韻

揚謹仲慶得郡次韻二首

邦衡作一字韵詩贈道士李惟賓次韻

邦衡生日用舊歲韻 李秀實生日

揚謹仲生日

邦衡用洪範五行推薄命而成傑句勉賡盛意

艤舟清江鎮從任子嚴求菊

會同年賞芍藥嘗櫻桃次揚謹仲韻

用舊韵為邦衡生日壽 揚謹仲示薌林諸峽

次韵揚謹仲和徐師川中秋詩

寄題王公明佚老堂 蕭端偉挽詞

李秀實挽詞

卷第六 古律詩六

吳師中以詩惠歛研次韵

恭賀御製聞喜宴詩

次韵賀邦衡龍學且以為壽

王日嚴挽詞二首 次邦衡韵

次程泰之庚寅玉堂舊韵

再次泰之韵 次韵徐元敏

凌閣學挽詞二首 次韵韓子温送江梅

再用津字韵賦詩謝送賜茗

西省賞醪醖芍藥簡泰之四首

蔡通判挽詞

次韵閻才元揚梅

六曹長貳觀潮戲蔡子平

答程泰之問蓮社事

次韵韓尚書觀潮

宣鎖次程泰之韵

慶東宮生辰二十韵

洪景嚴挽詞二首

送蔡迨赴桂陽令

同部中諸公遊下竺御園二絕

魯季欽挽詞二首

居淑人挽詞二首

東宮出示御製秋懷恭和二首

宋尚書挽詞二首

邵及之挽詞二首

次韵李仁甫夜直觀月二首

恭和御製晚秋曲宴

併錄御詩

次韵李仁甫送其子塾下第歸

慶東宮生辰四首

送喻宮教倅會稽

恭和御製賜史浩古詩

張推官挽詞

汪聖錫挽詞二首

次韵秋官少常伯失杯復得

卷第七

古律詩七

次韵陳叔晋殿試筆記

次韵邦衡癸巳舊韵

次韵閻才元二絕

送石似之倅漳州

送陸務觀七閩提舉

趙公顯挽詞

恭和御製幸秘書省二首

再和邦衡韵贊其閒居 送胡子遠出守漢州

進謝御書古詩 劉諫議挽詞二首

次范至能憶同遊石湖 次邦衡淳字韵

次韵王仲行宿直兩絕

次韵送徐敏元出使交廣

次張欽夫送胡長彦韵 劉共甫挽詞三首

王仲行惠詩次韵為謝 明堂慶成二十韵

内直以金橘送七兄 送鹿伯可致仕

次韵送戴子微出使湖北

張待制挽詞 三朝寶訓終篇謝恩詩

次文忠烈公丙午同甲會詩韵

慶東宮生辰 吳明可挽詞二首

和龍舒春日出郊 李仁甫挽詞十絕

讀樂天詩戲效其體

次歐陽公治平丙午上巳詩韵

高宗皇帝挽詞二首

卷第八 古律詩八

和陶淵明已酉重九詩 答鄭舜舉寄酒詩

南園築堂侯暘獻上梁文解嘲

郊居種蓮次七兄秋浦韻

和七兄秋浦韻

題二兄靜明閣

次韵七兄解江東常平印二首

題呂文靖公及惠穆公帖

送留公度縣丞赴江陵

與諸友共賞紅都勝黃樓子戲成小詩

簡吳提刑二首

揚子直惠鶴雛次韻

譚煥主簿榮壽堂

宗子師作慈順堂

送譚景先經幹

曾季高明秀樓

次韵馬惟良亦樂園

修長沙驛感舊成詩

寄題張元善新作楚觀

賦程元成攬有亭葵心秀野二堂

寄題張氏無畫藏堂

長沙鹿鳴宴詩

次韻謝豐叔

有餉小春團茶者簡徐用之劉公度

蕭照隣挽詞二首

寄題謝昌國桂山堂

任子嚴挽詞

次韵酬程元成

胡元之迂途示詩次韵二首

送孫從之秘監歸朝供職

謝何同叔送羊羔酒

卷第九 賦 詞 銘 頌 贊

夢仙賦 胡庶夫哀詞

楊圖南鑑閣銘 胡謙甫家藏硯銘

雙栢頌 周德友真贊

王民瞻真贊 王日休真贊

施聖俞真贊 劉侍讀真贊

劉舍人真贊 陳夫人真贊

卷第十

省試策三道

卷第十一

試館職策

卷第十二 策問一

金陵堂試策問五首 宣州解策問一首

家塾策問七首

卷第十三 策問二

家塾策問十二首

卷第十四 題跋一

紹興淳熙兩朝內禪詔 紹興乙丑御筆

御書千字文 御書禮記經解石刻

撰國書御筆

皇太子領臨安尹御筆并御札批詔草

王炎除樞密使御筆

改左右丞相御筆并御批詔草

虞允文梁克家拜相御筆

幸學詔御筆

御書白居易詩

御書蘇軾詩

御筆掌記

東宮秋雨詩

御批請免奏十六首

卷第十五 題跋二

後省封事看詳

夜光集

秦少游瑤池宴

詛楚文

六一先生墨蹟跋十首 總跋六一先生帖

六一先生居頴帖二首 六一先生九帖

六一先生與王深甫帖 六一先生五代史藁

六一先生詩文藁

六一先生夜宿中書東閣詩

錄神宗出閣旨揮

六一先生家書紙背猪肉帖

六一先生慰富文忠公書稿

呂吉甫帖

十賢相帖

大父秦公唱酬詩卷

千祿帖

王荆公家書

蘇文定公批答二藁

韓魏王與包孝肅公帖

山谷書太白詩

山谷書長楊賦

王初寮詩賦

東坡佛印元師二帖

東坡子高無雪二帖

東坡遠遊菴銘二首

東坡元祐手錄

五代應順年堂檢臨本

李西臺和馬侯詩

閣立本列帝圖

司馬溫公書臨本

蘇子美帖臨本

修禊帖

聳寒圖

再題聳寒圖

清虛居士真草四詩

龐莊敏公帖

卷第十六 題跋三

劉仲威蘭亭叙

蘇養直帖

宋景文墨蹟二則

劉子澄曾祖帖

柴翼著書跋語

趙莊叔字

宗室士奎所書

湖州沈壽岡之祖墓銘

張漢卿華山就隱圖

歐陽公唐贊草

宗室世昶帖

文潞公 題顏魯公懷素書

黃廉夷仲行狀

劉原甫貢甫家書

又原甫貢甫仲馮帖

蘇子由詩

劉仲馮與斯立帖

蕭御史薦宗室世誕奏稿

山谷發願文

王職方墓表

宗室子從藏前輩帖五則

三蘇畫像贊

此菴帖

王龜齡石鏡谿詩碑

劉季高與顧綱帖

黃魯直書金剛經

上藍長老所收張魏公帖

翠巖寺南康詔書

余安道題名

王民瞻詩

孫莘老告身

柳書千文

王介及其子渙之等帖

歐蘇及諸貴帖

永興觀舊碑

趙德麟書

米元章書秦少游詞

黃丞相書

吳說千字文

張魏公批劉和州事目

虞并甫尺牘

胡邦衡辭工侍御批降詔真本

東坡書西漢韓王信贊

山谷程：毛筆雙井茶詩

彭太傅

貴溪主簿廳記

山谷與李彥忱諸帖

張文潛帖

東坡與趙夢得帖

西溪居士蔣謨傳

建炎御筆

米元章帖

章友直畫草虫

鄭忠愍公遺事

劉楚公拜相誥

朱新仲自誌墓

蔡敏肅公平戎慶捷詩卷

張旭草書酒德頌

司馬溫公呂申公同除內翰詔

宋景文公唐史稿

卷第十七 題跋四

光堯賜陳正彙御筆

皇祐朝賢送張肅詩卷

程鑄墓銘

醉翁帖

韓忠獻王帖

喻葆光書佛經卷

宇文虛中琴書二則

初寮先生帖

鄒志完曾祖詩

陳師錫與陳瓘論王氏日錄書

淨慧寺東坡題名

陳晞顏和簡齋詩

簡修行狀後

趙善應行實

趙子崧詩集

邵康節戒子孫文

東坡與林希論浙西賑濟三帖

徐鉉篆李衛公項王亭賦

蘇舍人題臨蘭亭序詩 黃魯直蜀中詩詞

王禹玉內外制草

王禹玉謝翰林學士承旨表本

王禹玉立英宗為皇子詔草

歐陽公與通判屯田等三帖

黃魯直與全父醉帖 王介甫彌勒偈

黃魯直呈李公擇等四詩

東坡帖

馮京與朱諤右承家書

秦少游帖

彌明石鼎聯句圖

山谷萍鄉縣寶積禪寺記

東坡草鳥頭方帖

山谷書東坡聖散子傳

陳簡齋法帖奏稿

鄧溫伯與東坡唱和篇

趙忠簡公答魏侍郎手書

唐相梁國忠公加勳告

趙需張致遠魏奏劄

大父秦公所作涪州李使君墓誌銘

江權卿所藏諸家法帖

陳與義費肅張擴被召省劄

陳從古梅詩

伯父與鄭庶手書

蘇石帖

徐林書

蘇子美草書

唐人硬黃臨王獻之帖

米芾馬賦

蘇子美寶奎殿頌

蔡君謨書柳子厚吐谷渾詞

趙湖州祠堂記

文潞公帖

山谷與柳仲遠帖

朱希真帖

張魏公與連壘帖

錢穆公與張文潛書

卷第十八題跋五

張文潛與彥素帖

東坡作王中父哀詞

王校書歸台州詩卷

范文正公五帖

喻子材帖

劉器之帖

蘇子美四時歌真蹟

蘇黃門翰林詔草

太宗御書及謝表

張丞相詩

東坡代張文定公上書

蔣穎叔樞府日記

陳去非帖

陳去非謝御書等帖

東坡書黃庭內景經石刻

劉丞相拜相制

劉丞相追封兗國公制

富文忠公與劉丞相書

臨江軍賡節婦碑

鄭景望詩卷

宋景文公家書

宋元憲公表稿

王摩詰山水

書韓子蒼詩送劉童子歸廬陵

山谷書南華玉篇

汪季路所藏墨蹟三軸

蘇季真所藏東坡墨蹟三則

王樂道帖

范太史家所藏帖二則

邵康節手寫陶靖節詩

潘燾所收蔡君謨書韓文三箴

彭惟孝求志堂記

呂居仁帖

盤園高風堂記

李次山雪溪漁社圖

閣立本樂治圖

款塞圖

養正堂記并魯侯帖

鄒時飛行狀

王民瞻楊廷秀與彭雄飛詩

歐陽樗叟銘

記已酉杭州鄭樞密事

張欽夫劉文潛與蔣芑州詩

與王洋手書

楊忠襄與羅鏐詩帖

郭知章誥身

龔夬傳

郭彥逢庚午解牒

記李太白廬山詩二則

樂南堂所藏樂史慈竹詩

韓文公黃陵廟碑

卷第十九 題跋

楊謹仲與王伯芻詩

原詩附見韓忠獻王帖

楊廷秀浩齋記

歐陽邦基勸戒別錄

劉德禮家紫芝詩卷

便山處士唱酬詩卷

陸先生赴省詩卷

山谷與韓子蒼帖

韓子蒼詩草

杜祁公詩

胡邦衡講筵詩卷

趙鑑堂快閣詩

歐陽文忠公集古跋真蹟

書東坡宜興事六則

并雜錄坡公帖八則

權邦彥草書舞劍器竹

張無垢手書

吉水宰陳減孫邑計錄

楊文卿詩卷

東坡詩帖

黃魯直與蕭氏書

南豐黃世成銘文

壽王御批魏杞奏劄

劉忠肅公帖

三游詩

盛子謙座中銘

杜孝恭所紀王宣功伐

沈傳師碑

溫公竚瞻堂額

印山羅氏一經集

高宗御批錢伯言奏

潭州道林寺六絕堂

先太師清修寺留題詩

劉提刑家六帖

劉炳先家五賢帖

錢穆父帖

折彥質燕社亭詩

卷第二十 序 訓說

皇朝百族譜序

葛亞卿廬陵詩序

送黃秀才序

葛聖功文集後序

胡英彥論語集解序

續中興製草序

王元渤文集序

周茂振海陵集序

蘇魏公文集序

張彥正文集序

晁百谷字序

田燿名訓

李叔真載之字說

徐大謙名訓

循齋說

金谿鄉丁說

卷第二十一 啟一

權雱都尉回嚴縣尉啟

賀沈相啟

中博宏謝左相啟

湯樞頌德

陳樞頌德

劉尚書頌德

王侍郎頌德

王舍人頌德

趙舍人頌德

葉校書頌德

賀湯參政啟

賀湯右相啟

賀王德言除工侍啟

赴金陵教官與張帥啟

方總領啟

鄧漕啟

李倅啟

周倅啟

蔡從事啟

回胡主簿啟

謝到任啟

賀徐漕除江東啟

謝凌侍郎啟

謝張留守啟

上徐漕啟

謝舉狀啟

回句容范宰啟

賀王德言除同知啟

卷第二十二 啟二

回黃從事啟 回溧水唐宰啟

賀李漕啟 謝吳漕舉改官狀

賀金陵韓帥啟 賀湯左相啟

賀孟宗丞除知院運判啟 謝提點李直閣啟

賀王同知除知院啟 回蔣宰賀年啟

賀邢倅啟 賀蘇倅啟

謝金陵韓帥啟 賀洪景嚴除內相啟

賀都總領啟 謝徐學官啟

賀循文林郎啟 上宰執啟

謝除館職啟 汪侍御頌德

洪內翰頌德 楊內翰頌德

試館職謝洪楊內翰小啟

答徽州丞推官啟 謝張侍郎舉自代啟

賀汪叅政啟

卷第二十三 啟三

謝改官啟

史院上提舉僕射相公啟

除察官回王福州啟 回新邵州李守啟

回吉州張判官啟 答沈平江啟

答葉伯益啟

除左史答陳阜卿啟

答洪總領啟

回江東葉憲啟

回洪帥鄧直閣啟

答羅朝請啟

答安福路宰啟

賀湯榮公赴召啟

又賀左僕射啟

與趙提舉啟

與趙贛州啟

答林教授啟

與王監簿啟

答永豐張丞啟

答武岡趙知軍啟

回永州葉守啟

回洪推官啟

與龔守啟

與葛守啟

與趙守啟

謝生日詩詞啟

答胡邦衡啟

答新江東趙提刑啟

與郭贛州啟

答李監酒啟

答李本中宜中啟

答郭贛州賀冬啟

回南安祝知軍啟

答士人謝解啟

卷第二十四 啟四

回郭贛州賀正啟

再任宮觀謝宰執啟

答錢倅五月旦問候啟

回湖南王提刑啟

答生日詩啟

與洪景盧啟

回新進士啟

回郭縣尉啟

與錢吉州啟

戲答錢倅

回添差趙通判啟

回李世南啟

與蔡吉州啟

答永豐魏宰啟

除南劍答雷州蕭守啟

答郭尉羅司戶啟

謝生日詩詞啟

答胡邦衡啟

答廖英州啟

回梁提刑啟

回得解士人啟

謝生日詩啟

回新進士啟

回江西任運使啟

賀錢守冬啟

回太守賀正啟

回萬安謝令啟

與廣西張經畧啟

答吉州趙倅啟

除閩憲赴闕奏事與宰執啟

除少蓬答史徽州啟

答吉州呂守啟

回寧國姜守啟

回李秀實啟

答巫樞密謝復職啟

遷禮侍回外路啟

答李賢良啟

謝生日詩詞啟

回添差鄭通判啟

答豐城羅主簿啟

回吉州葉守啟

除富沙答傅運使啟

謝余監場啟

回衆官生日詩啟

卷第二十五

啟五

答陳贛州啟

答吉州趙倅啟

除殿撰答羅尉啟

答楊壽仁謝解啟

答甲午解元啟

答詹狀元啟

除待制回外路啟

回胡邦衡謝龍學啟

除兵侍回傳漕啟

回漢陽趙守啟

回許校書啟

回施贛州啟

回鄭校書啟

回趙富沙啟

回周廣州啟

除吏侍回外路啟

回胡校書啟

除內翰回外路啟

回江東徐漕啟

回李大著啟

回廣州周侍郎啟

回温州陳尚書啟

回隆興呂少卿啟

回閩路監司啟

回劉正字啟

回袁秘丞啟

回周廣州啟

回葉校書啟

回中詞科周監酒啟

回姚狀元啟

第二人葉狀元啟

第三人李狀元啟

回趙正字啟

除禮書兼內翰回外路啟

回楊正字啟

回江西錢運使啟

回劉饒州啟

除叅政回外路監司帥守啟

回在外侍從啟

回紹興張閣學士啟

回金陵范叅政啟

回史少傅賀冬啟

回福州梁丞相啟

回婺州蕭侍郎啟

回遂寧李侍郎啟

回贛州留題學正啟

回陳侍郎啟

回齊侍郎啟

回單侍郎啟

回紹興王尚書啟

回寧國陳舍人啟

回陳舍人賀冬啟

回江陵趙丞相啟

回婺州洪舍人啟

回陳給事啟

回婺州洪舍人謝進職啟

回鎮江錢叅政啟

回隆興留尚書啟

除知院回外路啟

回福州趙侍郎啟

回太平州木屠事啟

答史太保謝致仕啟

回金陵錢叅政啟

回靖江屠侍郎啟

回紹興鄭尚書啟

回太平州廬州池州賀冬啟

回陳丞相謝除少保啟

回靖江屠侍郎謝轉官啟

回賀正啟

回靖江詹侍郎謝降詔獎諭啟

回隆興程給事啟
回太平州陳舍人啟

回成都留學正啟
答陳給事啟

賀梁觀文年啟
回陳丞相謝致仕啟

回池州陳尚書啟
回靖江詹侍制啟

回富沙陳待制啟
回程侍制啟

卷第二十七

啟

書

親書

狀附

除右丞相答洪內翰啟
回王丞相啟

回史太傅啟
回在外侍從啟

回金陵錢叅政啟
回太平州張閣學啟

回史侍制啟
回宋尚書啟

回福州帥賈侍郎啟
回紹興李叅政啟

回婺州蔣尚書啟
回紹興張侍郎啟

回趙丞相啟
回鄭尚書啟

回富沙程尚書啟
回廬州鄭都丞啟

回王尚書啟

回施樞密賀冬年啟二首

拜左相回趙丞相啟
回史丞相啟

回錢叅政啟
除少保回錢叅政啟

除判潭州謝宰執啟
謝史太師啟

回隆興施樞密啟
回靜江趙侍郎啟

回江陵章侍郎啟
回金陵余尚書啟

回陳叔進除同知啟
回江東漕揚秘監啟

回豐漕啟
賀豐漕生日啟二首

回江陵章侍郎賀年啟
賀葛知院拜右相啟

回富沙陳守啟
賀余同知啟

回何運使啟
回廣州趙侍郎啟

回江陵王樞使啟
上韓帥書

子彙弟親書
回陳運使狀

回林宮教狀
回鄭編修狀

回吉州王守狀
魏漕遠迎狀

謝林尉狀
回永新張秀才狀

黃提刑遠迎狀
回劉通判狀

回吉州錢倅狀
轉官回錢倅狀

李提刑遠迎狀
蔣丞相先狀

道中謝官員訪及狀
回葉守鹿鳴宴狀

回鄭秘監狀
中元回方守狀

回潘倅楊倅狀
答眾官狀

中元回吉州楊倅狀
答眾官狀

卷第二十八 記 傳

肖顏堂記

川泳軒記

詠歸亭記

靜暉堂記

眉壽堂記

鄒公橋記

贛州：學教授題名記

兵部長貳題名記

兵部郎官題名記

筠州重修道院記

吉州改修學記

重立菱堂記

吉州新貢院記

章氏近思堂記

即墨侯傳

忠義李君傳

卷第二十九

行狀 神道碑

左承奉郎主管崇道觀王公庭珪行狀

京西北路制置安撫使孫公昭遠行狀

左朝議大夫充敷文閣待制致仕柳公約神道碑

興國太守王公絢神道碑

權太常寺卿滕公庾神道碑

卷第三十 神道碑

樞密使汪公澈神道碑

資政殿學士胡忠簡公銓神道碑

卷第三十一 墓誌銘一

右迪功郎致仕劉公若川墓誌銘

蔡子亨墓誌銘

徽猷閣待制宋公暎墓誌銘

子柔弟墓誌銘

文士慶墓誌銘

靖州太守吳君順之墓誌銘

卷第三十二 墓誌二

文林郎劉君令猷墓誌銘

右朝請大夫魯公譽墓誌銘

鄉貢進士歐陽弇墓誌銘

清遠縣令鄧君洵侯墓誌銘

外祖奉議郎王公寬墓誌銘

承務郎胡君泳墓誌銘

朝散大夫直顯謨閣黃公石墓誌銘

卷第三十三 墓誌三

靖州太守李君發墓誌銘

秘閣修撰湖南轉運使蕭公之敏墓誌銘

靖州推官張君廷傑墓誌銘

朝請大夫致仕賜紫金魚袋黃公子游墓誌銘

卷第三十四 墓誌四

直敷文閣致仕魯公訾墓誌銘

武昌簽判尚宗簿大伸墓誌銘

恭州太守任君續墓誌銘

朝散大夫直秘閣陳公從古墓誌銘

卷第三十五 墓誌五 墓表附

朝散大夫知潼州府何君耕墓誌銘

段元愷墓誌銘

提轄文思院葉君楠墓誌銘

朝散郎致仕郭公彌約墓表

籍溪胡先生憲墓表

卷第三十六 墓誌六 葬記附

伯母安人尚氏墓誌銘 先夫人王氏墓誌銘

亡姊尚氏墓誌銘

靖州推官張廷傑妻李夫人墓誌銘

曾監酒毋孺人劉氏墓誌銘

王給事母安人徐氏墓誌銘

程給事母宜人胡氏墓誌銘

孟媪葬記 芸香葬記

卷第三十七 青詞 疏文 祝文 勸農文

皇后生辰三茅設醮青詞

潭州祈雨設醮青詞 設醮青詞十首

遷右相府青詞二首 遷左相府青詞

遷入廬陵舊居青詞 薦尚氏姊水陸文

焚黃水陸疏文 廣教寺設供疏文

判潭州謁宣聖文 謁諸廟文

南嶽行宮祈晴文 東明寺祈晴文

南嶽正廟再祈晴文 東明寺再祈晴文

南嶽謝雪文 南嶽行宮祈雨文

南嶽正廟祈雨文 南嶽祈晴文二首

南嶽行宮謝晴文 府治謝晴文

改判隆興府辭宣聖文 辭諸廟文

祭勾芒神文 潭州勸農文

卷第三十八 祭文

祭吳漕母徐淑人文 祭宋待制文

祭許寶文 祭子柔弟文

祭十一妹文 祭董叅政文

祭羅長卿文 祭林虞仲教授文

祭張德莊監丞文 祭黃世永編修文

祭宗人子婦李氏文 祭劉辰告母歐陽氏文

祭劉辰告文 祭外舅王察院文

祭汪養原待制文 祭趙溫叔母楊令人文

祭胡季懷文 祭芮國器祭酒文

祭靖州太守李秀實文 祭洪景嚴樞密文

祭汪聖錫尚書文

經筵同僚祭范西叔侍講文

宮僚祭揚信伯工部文 祭劉汝一諫議文

祭莫子齊舍人文 祭姜寬夫人文

同年祭何誠甫司業文 同年祭李子茂舍人文

祭張敬夫殿撰文 祭從母王碩人文

祭呂伯共禮部文 祭芮國瑞尚書文

祭外祖王給事家諸塋 祭陳應求丞相文

祭袁州兄嫂文 祭繹姪文

祭呂帳幹文 祭叔母李孺人文

祭蔣叅議文

卷第三十九 家廟墳山祝文

信州茶山初贈焚黃祝文

展省茶山焚黃祝文 鳳山焚黃祝文

茶山告至祝文 茶山告啟殯祝文

茶山啟殯祝文 考妣焚黃祝文二首

奉祠歸告至先塋祝文 焚黃告祖塋祝文

先考加贈焚黃祝文 先妣加贈焚黃祝文

初除叅政贈三代祝文 明堂加贈三代祝文

初除知院加贈三代祝文

初除樞密使加贈三代祝文

曾祖曾祖妣焚黃祝文 祖祖妣焚黃祝文

先考大中至太師焚黃祝文

先妣焚黃祝文 郊祀加封三代祝文

進秩加恩祝文 遷相府祝文

入府祝文 拜右相三代加贈祝文

明堂三代加贈祝文 遷左府祝文

拜左相加贈三代祝文

光宗登極三代加贈祝文

奉祠歸廬陵告至長岡祝文

曾祖曾祖妣焚黃祝文 祖祖妣焚黃祝文

鳳山焚黃祝文 長岡焚黃祝文

焚黃告伯考伯母祝文 奉安家廟祝文

除少保三代加贈祝文 長沙視事祝文

冬至祝文 郊祀三代加贈祝文

卷第四十道釋

頌 記 偈 塔 銘 贊 題 跋 說 疏

送堯老二頌 與序老偈

慶雲文介贊 彥岑真贊

跋薊林贈陳丹林贊 助贖蕭惟清度牒戲書

題僧 刺血書經 跋妙喜遺筆

木觀音說 西峯巖主殿疏

天華院佛殿疏 報恩善生院記

介禪師塔銘 訥菴塔銘

升禪師塔銘 佛海禪師塔銘

省齋文稿目錄終

省齋文藁卷第一 周益文忠公集一

古律詩五十四首 起紹興辛酉止紹興己卯 章貢 廬陵 平江 金陵

送陸先生聖脩府赴春闈 紹興辛酉冬

送君南浦慘離情握手依：教去程日薄雲濃風轉勁
江寒水落浪還生此時執別仙舟穩後夜相思山月明
好把嘉謀獻丹宸中興天子急昇平

贛江 甲子

跡落蠻夷地艱危分飽經盤渦隨擢舞驚浪滅船零石
亂舟才過峯回眼謾青晚來荒浦宿愁緒轉冥：

留題文氏雙秀亭三首 庚午

身在江湖欲看山、行還憶弄潺湲誰知裏許雙竒絕
碧玉青羅一望間

汀蘭煙樹兩佳哉六曲屏幃坐上開南浦彩雲飛盡棟
西山爽氣在朝來

澄碧脩眉固自竒只愁門外苦喧卑要知心跡雙清處
須待人稀月上時亭近市

彭永州夫人挽詞庚午

夢虺端由慶闕鍾采蘋來助大夫共化行闈壺衣無綠
行應箴圖管有形石窳方開湯沐邑黃垆俄掩斧堂封
不須更續更生傳自有豐碑記肅雍彭白為埋銘

道中憶胡季懷壬申

珍重臨分白玉卮醉中那暇說相思天寒道遠酒醒處
始是憶君腸斷時

舟行憶永和兄弟癸酉

一掛吳帆不計程幾回繫纜幾回行天寒有日雲猶凍
江濶無風浪亦生數點家山常在眼一聲塞鴈正闌情
長年忽得南來鯉恐有音書急遣烹

抵蘇臺寄季懷癸酉

江浙相望寄此身臨風回首歎離群吳雲目斷君思我
楚樹天遙我憶君別後酒尊應獨酌舊時碁局對誰分

狂言欲吐還須茹俗子紛：可得聞

次韵王仲謨仲寧唱酬二首 甲戌

公子翩：正好年修能姱節本天然弟兄况自逢三益
事業懸知定十全厚意綢繆華映鄂新詩綺麗月流天
乘黃駮耳方爭駿應笑駕駘強自鞭

別日無多似隔年每逢佳句輒欣然詞傾江漢無留礙
語轉珠璣更渾全日共荆谿千里月人居吳郡五湖天
興來儻有山陰作即上扁舟往執鞭

和仲寧中秋赴飲莊宅 甲戌

方訝頑陰蔽月堂坐看涼吹動枯楊疾驅雲陣千重翳

盡放冰輪萬丈光莫問蚌珠圓合浦且聽羯鼓打西涼

踈狂似我何須撓：取吹笙玉雪郎 來詩有妙曲撓周郎之句

羅主簿妻朱氏挽詞二首 甲戌

早歲從孫寶中年訓孟軻節高資內助機斷激儒歌枳
棘鸞先逝雲霄鶚正摩即看膺命服何遽掩卷阿

素羃帷堂日青烏甫寤時薤凝朝露冷樹動晚風悲七
十年無憾平生壺有儀孝哉難與告猶慟蓼莪詩

送趙富文 彥博 倅洪州三首 丙子

期集分携五載前衝泥各上浙江舡如今再贈城南柳
依舊黃梅夜雨天 辛未四月晦團司結局今復以是日送君行

花發河陽政早成策勳恩擢佐藩臣鷄翹豹尾他年從
且作銀章第一人同年四百人
未級自公始

南浦飛雲繞棟椽西山爽氣入魚須公庭吏散文書靜
許我他時解榻無

次韻丁維皋糧料幬牡丹未開 戊寅三月

拙速那能闔巧遲從教綠暗與紅稀天香未染蜂猶懶

日幄先籠蝶已飛羅鄴牡丹詩云落盡春紅始見花幄
籠輕日護香霞又李正封詩云國色

朝酣酒天羯鼓只應催上苑鶴林誰復倩紅衣請君多

釀淮南米縱賞先拚倒載歸

遠蒙折簡見約烹茶再次前韻 戊寅

清明過後日初遲春服成時瑟漸稀浪蘂摠隨流水

遠名花獨待羽觴飛催開已奏清平調李太白清平
調三章正為

牡丹唱徹猶須金縷衣活火新泉太清絕何如沉醉詠

而歸

次韻白蓮 戊寅

汙溝濁水葉田田又見新栽京府蓮見樂
天詩玉井謾傳青

壁外雪膚如在射山前泛紅入幕王家俗種白開池陸

子賢不用若耶溪畔女蘭橈夜採月娟娟

次韻紅白蓮間生 戊寅五月

間花不遣倚門牆獨挹芙蓉冉香艷質施朱窺宋玉

冰姿傳粉試何郎青莖翠蓋元相映縞袂霞裾各自芳
聞道金鑿行豹直炬蓮先已兆嘉祥

次韵秋日禪房 戊寅

官間未覺往來妨踈懶從公意自長松栢有心寒始見
芝蘭入室久彌香送秋容我無何飲畦夏憐渠有底忙
霜倒池蓮雨荒菊禪房真似贊公房

次韵沈世德 作式 撫幹川詠軒 戊寅六月十三日

江山倏清麗雲月助色澤向來面：景今日誰洗滌主
人倚晴檻回首笑謂客府公實知己餘事懶經畫帡幪
廓大厦軒窓開澤國架簷逼象緯植礎壓鹵斥仰看天

宇大俯覺地軸窄端如倩巨靈妙手重開闢此興固非
淺無入不自適華闕望中敞棠陰坐上得波光動藻井
帆影落几席所欣魚依蒲未許蝎見壁陰晴及朝暮氣
象知幾易颺回有餘韵鳥度無留迹市聲沉浩：漁唱
聞昔：油幕多風流脩然晋八伯淋漓傳翰墨鏃擊間
金石連壁喜同志倚玉許涼德頗慙波量容未忍俗駕
勒惡詩信非備勿作春秋責

又次韵二首 戊寅

川流元滾：客至喜津：卜築新形勢逢迎舊主人酒
盃容我醉詩句味君醇大隱聊城市巖耕笑子真

宮槐分影直官柳着行疎畫棟飛翬遠晴霞散綺餘池
邊山簡馬水勝武昌魚只恐封泥召驂鸞上帝居

又次韵醪飲

戊寅

層軒發天藏初日照粉籬

韓退之高
門塗粉籬

雄觀跨鵬背頰促

陋蠶箔飛綏會蘭亭傳觴寫桑落飲興江海窄逸氣雲

天薄雖無漢侯鯖粗勝周禮醪清歡謝絲竹賀厦驚燕

雀圍碁角勝負獻俳紛戲譔涼風徧廣坐長夏失重煇

柳文赫
炎重煇

高會方繼日初筵今告朔要令四難并詎止一

餉樂明朝停絕唱百年無此作薦聞湏狗監賡續愧鼠

璞今王駟蒲輪之子尚蓮幕行參瑚璉用歸助棟梁託

謂沈

相讀書照青藜視草詠紅藥回顧廣文寒莫忘鷄黍

約

次韵趙公直賞心亭醪會古風

戊寅六月二十
三日

晋人誇新亭假日輒高會中間伯仁輩未免楚囚對江

山猶古昔人物已暖昧東郊今保釐翠華記行在佳麗

壓淮楚追遊盛冠蓋茲樓貫城雉于邁無小大令威雖

不歸

丁謂
叔亭

靈光故無礙煙雲互明滅川郭相映帶當年

烏衣遊此日思一槩從容值休沐登臨多慷慨幽懷忽

軒豁細故絕芥蒂已尋詩社盟更許食期戒佳賓滿座

上好語來天外舟移白鷺

洲名

遠目送飛鳥快方種淵明

月益公集 卷一
秋租免監河貸一醉儻可期與君時倒載

送鄧漕根移帥揚州二首 戊寅八月二十五日

碧幢紅旆擁西風幾點淮山落眼中卧轍正看留使者
褰帷早已識元戎兒童騎竹迎并牧父老封棠記召公
人望汲卿居禁闥淮揚只恐又忽：

聞道維揚地望雄風流人物似江東六龍前日臨淮海
五馬由來說醉翁壁月幾橋留夜色珠簾十里待春風
遙知九日平山會笑插茱萸滿鬢紅

送葛謙問

知運幹 戊寅九月十一日

少年扶犁事西疇老陪英游帝王州才高韻勝各有得

志合情親君更優離筵忽席洛定鼎伐期云畢齊葵丘
君行共歎空冀北我哀謾作周南留欲持菊觴止君飲
單車已戒難停輶欲挽長條贈君別金城柳落空悲秋
悲秋惜別置勿道資望久合登瀛洲仙凡一隔在何許
指點蓬萊雲氣浮

送毛平仲

升 戊寅十一月十四日

平仲學士隱居鄉閭而雋聲震于四方竭來
陪京衣冠傾慕烏僕之大父與先尚書同為
庚辰進士平仲于僕又有十年之長方將兄
事而強附之則聞歸艤在岸矣敬贈惡詩既

叙先契且約後會云

父祖同登六十春相逢草：大江濱羨君不使囊錐見
笑我空將芟製焚聞道都人時載酒未容俗客細論文
他年小築柯山畔泉石風光賸欲分

次韵邢懷正孝庸通判遊蔣山戊寅十二月十八日

仙人薄蓬萊乘槎度河滸舊觀桑田變今訪鍾山古駕
言出東門恍若之帝所朝曦霽青霜楓葉落紅雨亭：
望浮圖隱：挿天宇坡垂北溟鼈石卧南山虎遙聞飯
後鐘絕勝紈如鼓恭惟布金地草木誰敢侮孤芳破冰
雪喜見梅萼吐同遊皆大雅緇素競先睹巾車似元亮

漱石雜孫楚相將挹靈泉何用照牛渚西方化人國未
覺道修阻法筵盛龍象一：會心侶茗椀散午夢蒲團
便平軟語懸知雨花社重辨風幡舞相投甚針芥味道
真酪乳從來草堂靈俗駕回吾祖况如雲仍輩么麼那
復數後車倘許隨未羨黃金塢

次韵周德友戊寅十二月十七日 運幹

曾見麻姑過蔡經却陪王導宴新亭博文正自鄙木疆
操論未應談竹形入幕久依池水綠讀書行照杖藜青
篋中知有還丹在不用臨溪憐鬢星少荅鶴髮之句又

直詩帖百餘紙相示世傳養
直遇仙故用麻姑并還丹事

送蔡德輝 程教授三首 已卯四月十四日

天馬元從西極來 頻年伏櫪伴鴛胎 如今始覺升沉異 萬里追風道路開

曉折臺城揚柳枝 夕登瓜步佛狸祠 請君收拾江山助 歸和薰風殿閣詩

幾回送客大江頭 今渡江頭特地愁 豈是陽關動淒怨 同僚情分正綢繆

送徐漕度 移憲浙東二首 已卯四月二十二日

一去中臺十九年 愛君憂國得華顛 久疑使節留江上 稍喜除書近日邊 寒碧軒窓餘舊句 公於漕臺創寒碧軒且賦長句命同

僚屬 汗青簡冊奏新篇 公若國紀以續通 文章入相公

和 家舊沙路從今穩着鞭

滿歲蹒跚泮水間 獨公不作腐儒看 幾陪佳客芙蓉幕 聊慰窮愁苜蓿槃 此去高山空自仰 向來流水為誰彈 割鞭截鐙知無益 但覺輪囷激肺肝

送子開弟還江西二十韵 已卯四月二十八日

十年樂家居 豈知離別愁 言遊冠蓋場 聚散靡自由 子從何方來 訪我金陵州 情多語反默 喜極涕翻流 不如並轡出 庶以寫我憂 沉長干寺南軒 清且幽 烏衣訪王謝 煙滅那可求 却登覽輝亭 下瞰白鷺洲 群山競合

沓萬室相牽鈎回首指鍾阜黎明戒前騶林泉與臺殿
 勝處皆窮搜紛々六朝舊莽々今幾立千古轍未還劇
 談與方稠胡為理書劍復欲從遠遊蹉跎六年別邂逅
 半月留臨分敢不盡苦語誠非偷期子如良農勤々事
 西疇慎勿因水旱而令廢鋤耨豐歲會可必行々真有
 秋十月風霜動待子江之頭

送張端明燾赴召

己卯五月二十二日

某伏承某官節召還朝闔府士民稱頌盛德
 如出一口某以年家子門下士而承泮宮之
 乏倘暗無詩歌人謂斯何謹採輿言為口號

十首辭雖俚而事則實意雖淺而情則深冒
 賣威嚴不寒而慄

春殿曾收最上科甘泉扈駕早鳴珂金陵已奏三年課
 玉燭宜調四氣和

家傳圮上一編書二紀論思只緒餘此去籌帷方倚重
 赤松那得便從渠

歸粟招提刻翠珉羯胡稽首歎名臣今聞整轡登廊廟
 應有先聲警四隣

宣和末公施米虹縣之僧寺刻石以
 記庸人過之歎服其德其寺賴以不

管籥分來二十年何人從此得朝天介圭入覲由公始

莫把題名取次鐫 紹興八年始以府帥兼司留齋今已十年餘政未有被召者

曾以詩書化蜀人更恢文教大江垠諸生亦有如何武

爭詠三章轉上聞

心正能教筆下欺 不敬 古來書法獨公知顏筋柳骨留蕭寺

總是甘棠去後思

尺一催歸侍冕旒邦人無路上前驕却因遙祝南山壽

小作臺城十日留

延英引對寵章新都下傳觀拜輔臣沙路緩驅金駃裏

閣間新上玉麒麟

公門如海亦如龍解榻鈴齋獨見容慚愧深知何以報

歲寒千尺澗邊松

欲驅羸馬從金鞍顧藉微官進自難但願斯民均暖律

小儒不歎廣文寒

送沈世德撫幹還朝 己卯五月

元戎已趣曹裝觀上客難教儉幕留積雨半篙生別浦

清風十幅送歸舟槐庭袞繡行虞侍芸閣鉛黃待校讐

池有遊鱗雲有鴈尺書能寄故人不

次韵徽州胡推官 璉 旅中遇雪且約同登雨花

臺三首 己卯十二月

歲晚相逢古帝鄉長松百尺傲冰霜青鞋踏遍江南岸

更賦名花似漫郎

傳道詩仙折簡來破寒雪屋為君開要將好句誇張籍

故放歌謠吏部才

天女來參彼上人逆知君動雨花心故令六出續紛下

免使荒臺更重臨

方孺人挽詞

干之後王和甫外孫已卯

處士詩名滿古今外家文采切星辰中郎有女能傳業

武子趨庭更慰人諼草正開堂北向扶桑莫返日西淪

可憐寂寞湘江路燐走螢飛翠栢新

省齋文稿卷第一終

校過

省齋文稿卷第二

周益文忠公集二

古律詩六十一首

起紹興庚辰止紹興壬午金陵臨安

送別邢懷正直閣赴江西提舉二首

庚辰二月

大江西畔米流脂歛散新陳倚繡衣旗展春山千嶺暗

霜飛暑路萬艘歸朝家法備農商信臺府官閒案牘稀

廬阜虎溪天下景未妨行部款禪扉

二年踈懶累深知喜見皇華授節時歸里欲依東道主

登畿却負北山移黃閭遙想前驅駟白下空攀遠別枝

坐未溫公入覲却從南蕩候旌麾

留別金陵韓帥

仲通二首庚辰三月

文瑞樓

十二麟符玉絕肪腰間仍映帶圍黃化行江國春常早
訟息塔除日自長槐影緩趨三接畫棠陰先滿十連堂
子淵去踏長安道侍賦中和奏未央
再點賓筵又一期千金散帚賴提撕泮宮正采僖侯藻
太學俄甘吏部藿人似塞鴻春向北心隨江水日潮西
太平勲業湏公助不用頻年戀節屏

留別蘇仁仲通判

庚辰

公才豈合尚題輿天遣寒儒此曳裾午夜燈光曾共賞
三春樂事未全踈尊前窈窕傳新唱耳畔瀾翻聽異書
此別不須勤恣惜君王日：問嚴徐

九日哭子柔弟

庚辰

自醉黃花酒心酸苦淚零常時愛鳴鴈從此不堪聽

劉韶美監丞以予發策玉堂小詩送筆墨云腹

囊英物吐長虹翰墨區：有底功也要同盟

作旗鼓三山直上一帆風走筆次韻時在雨

中 庚辰九月二十一日

今雨驚呼未霽虹筆精墨妙策新功要令快草三千牘
故借冷然九萬風

次韻程泰之正字奉祠惠照院詠雪五首

辛巳

天女飛花現化城禪房深處想神清齋心正使無低唱

擁鼻何妨效洛生

造化平心混萬殊高低一色眩離朱如何尚愛南枝瘦
偏以凝脂助曼膚

方丈仙人定好奇行吟合璧作瓊甃兔園且就如今賦

鳳沼重看異日詩

瓊甃見
文選

吻燥誰濡翰墨場絕思齒頰漱甘芳扮身莫惜婦湯鼎
要與團龍發暗香

剝啄朝來送好音唱妍酬麗自書林柴門未掃簷垂溜
筆退誰知抱膝吟

胡原仲憲正字特改官除宮觀中置酒餞別會

者七人以先生早賦歸去來為韵人各賦一

首僕得早字

辛巳正月

西伯王業興海濱歸二老漢家念羽翼坐致商山皓
惟陛下聖尊德繼雍鎬先生學孔孟不但遺編抱致身
雖苦晚聞道固已早昨隨弓旌召着脚歷蓬島夜陪黎
杖青朝奏囊封皂第令坐臺閣不減照乘寶思歸獨何
事起為子規惱祠官厚稟假命秩略資考恩榮國無愧
出處吾有道漫：七閩路去去春風好都門送別處懷
抱要傾倒相思常情耳再拜請善禱臨雍有故事乞言
非草：指期裏蒲輪未可迹如掃

送光祿寺丞李德遠得請奉祠 辛巳二月

君家臨川我廬陵兩郡相望宜相親
長安城中初結綬石灰橋畔還卜隣
扣門問道日不足篝燈夜照論心曲
寸莛那許撞洪鐘跋鼈一作遊近將隨驥馭
聞君上書苦求歸君今豈是當歸時
滿朝留君不顧我雖歎息何能為
莫攀楊柳濤江岸莫唱陽關動淒斷
行但祝加餐飯潮落風生牢繫纜

次韵史院洪景盧檢詳館中紅梅 辛巳

紅羅亭深宮漏遲宮花四面誰得知
南唐苑中有紅羅亭四面專植紅梅
蓬山移植自何世國色含酒紛滿枝
初疑太真欲

起舞霓裳拂飾天然姿又如東家窺墻女
施朱映粉尤相宜不然朝雲頰薄怒自持
以對襄王時酒吏燕支着雨落整裝俯照
含風漪遊蜂戲蝶日採掇嗟爾何異岷之
虫提壺火急就公飲他日墮馬空啼眉

次韻王龜齡大著省中黃梅 辛巳

化工未幻醅釀菊先放緗梅伴群玉
幽姿着意慕鉛黃正色何心輕萼綠
粧成自淺風味深對此寧辭食無肉
可憐涪翁被渠惱中歲悔屏杯杓醪
省中黃梅在醅釀之側黃魯直戲答

正觀復醅釀菊詩云誰將陶令黃金菊幻作醅釀白玉花

送王嘉叟編修通判洪州 辛巳三月

籍甚西樞椽居然出處光人猶思賀監天未起張良南

浦雲應碧東湖柳正黃古來求別駕不是薄皇郎王名

允中薦以上書薦張和公補外
催祐甫自吏部即求洪州別駕

送王龜齡赴越州宗丞辛巳五月

冊府號冀北一時娶奇材嗟我雖末至尚及相追陪胡

子真老驥元章蓋龍媒爾來厭名韁蹙踏游九垓王子

乃汗血疑是西極徠忠精貫日月聲名震陪僮君王市

駿骨得此七尺駉秣以天山禾貯之黃金臺玉勒繡羅

鞍映帶文錦韉謂言開道路亦復薄蓬萊乞歸丞相府

連月書百回東郊治公姓笑渡濤江雷奉自信美矣體

國安在哉帝家十二閑何嘗列駕駘遲子復立仗來歸

勿徘徊

送聞人茂德滋刑定歸嘉禾辛巳八月七日

七年束帶赴朝叅共喜儒林得指南經傳注成頭未白

公卿閱徧綬猶藍秋來去國懷張翰此去論詩憶鄭覃

別酒易闌情不盡會憑清夢聽清談

去秋為國器以詩賀入館今渠繼來次韻辛巳八月

一自傳刀夢遲君已隔秋浪傳迷弱水未省礙虛舟天

子方神武狂胡敢寇讐應須漢克國早晚與立謀芮荅
屯田

策刀夢去
歲自言

陸務觀病彌旬僕不知也佳篇謝隣里次韵自

解 辛巳

閉戶十日雨陸居如坐舫吾身固已困未省子疾狀昨
朝拜牀前不敏祇自愴蕭然維摩几高謝桓榮帳是身
本何有更慮不已恙全人豆肩大瘳瘦誰甕甕擲杯蛇
自去靜耳蟻為諒乃知閱肘後未免信紙上大哉橫氣
機寄此語清壯我雖問疾晚可以無恨悵

次韵為國器正字館中木樨三首

辛巳

多生定自為黃卷一念無如魚蠹何今度全身散金粟
芸香從此不須多

曉翻汗簡困遮羅午對枯枰輒爛柯天遣幽香一喚起
醒然頓作出瓶鵝

怪底花開已兩迴先生傑直未銜杯若猶不領渠儂意
猶向塔前一再開

慧海大師日智索詩

辛巳九月十九日

人：飽食即安眠慙愧師榮粥飯緣三篋繞身猶未解
齋厨已報爨無煙

徑山說法口瀾翻慧海精勤三十年他日宣城傳僧寶
莫分禪律一時編

湯孺人挽詞

處州丞相之女 辛巳

歎息閨房秀霜摧鬢未華女功丞相念婦道里人嗟石
窳脂田廢濤江粉旒斜西風看花淚寂寞小窻紗

年家太夫人鄭氏挽詞

趙伯椿之母
辛巳

早適王孫貴中成令子名齊眉餘婦順截髮助交情三
釜應天相重泉頽日傾升堂今已矣淚灑越溪橫

王季海正言父宣義師德挽詞

辛巳冬

三世儒科獨隱淪功名豈必在吾身早看伯氏囊荷舊
晚喜郎君諫草新絳縣人存疑甲子論衡書就困庚辛
遙知會葬車千兩絮酒淋漓卧冢麟

送司農少卿杜起華出守遂寧

壬午正月乙亥

識公七年前青衫騎破韉送公七年後金章大州守窮
達反掌耳置之勿復論憶公出蜀日避名如避喧神羊
一在首慷慨眉宇軒朝陳繫奸疏暮進興邦言炎：中
即將解帶西南犇矯：內押班掛冠神武門所以杜御
史姓名滿乾坤人生有聚散安所非游宦微黃不作難
聖主方味諫

次韵張真父著作遊湖山

壬午二月

我今休閣訟違念長安遠出遊寫我憂駕言豈顧返撐
舟度平湖蠟屐試疊巘境幽客更佳風靜日亦烜爾僕
毋告勞我足尚忘蹇眼明見孤山地禁接上苑却登靈

一作今休黃閣訟

李商隱詩萬里懸離抱

先於訟閣鈴 錢起詩

成樓雲外靜訟閣竹間

清

隱寺岩壑此其本經行盡精舍一：為排鍊勝遊固可
繼况乃春未晚所嗟蟣蝨臣無術助龍衮頗聞議深討
將士不及飯古稱格苗頑不必侵自阮吾民戰吾地甌
脫未少損願言休王師歲熟禾自稠

次韵真父著庭紉梅

壬午二月

蠶黃織就費天機付與園林晚出枝東觀竒童承詔後
南昌故尉欲仙時芳心日向重：展清馥因風細：知
詩老品題猶誤在紅梅未是獨開遲

送馮圓仲吏部出守邛州

壬午二月

戰伐驚前日安危決此時諸侯今有望萬里子何之市

駿甘求骨呼鷹若待饑寸心懸日月不為去來移

錐末藏銛利刀頭愜寢興為郎非白首補郡有高能交
分看前輩離愁愧老僧亭：望中塔高處待重登

同舍
餞飲

湖寺登保塔未
盡悵然而別

送湯相守紹興二十韵

壬午二月

漢闢蕭居守周興畢保釐安危元注想中外自隨時憶
昨生戎馬誰知死佛狸天其永我命王乃大巡師收拾
鑪錘手經綸管籥司南圖忘震蕩北上得逶迤銅刻新
符獸金塗舊印龜從容時屬耳填撫効如斯帝意仍調
鼎親榮寧去聲擁麾班衣加畫繡通帛雜牙旗餘力今循

霸洪鈞昔相夔斯民先已覺此地更何為玉帛塗山會
 銀黃越將垂圖經千古事實幕幾人詩有客叨恩顧無
 才負已知身留蓬島直夢度浙江湄投劾難何有登庸
 恐不遲行逢三月禊看即百錢齋祖餞紛離席班迎指
 後期一夫非自喜正為太平基

次韵鄒德章標監簿官舍芙蓉芭蕉 壬午

君不見蜀都之城百里長無數芙蓉遮女墻遂令邦人
 記舊俗往：空巷爭新粧又不見雲夢澤中吞美惡相
 如所夸殊落：獨將芭蕉並蘭芷楚客至今猶憶昨兩邦
 不為天下溪顧乃著意濁水泥眼看紅綠意先眩玩物

固應為物迷豈知弱質甚蒲柳成毀湏臾翻覆手春風
 秋露略紛敷皓雪青霜已摧朽主人學道窮三餘俯視
 官舍真蘧廬從渠草木榮與枯只有此心常自如水邊
 比色寧見素隍中覆鹿初何據似耶非耶誰與論彼我
 夢隨所性意 大篇字：皆披沙清晨走送驚鄰家鈍根
 也復發深省世間何物非空花

奉常林黃中博士以黃甘食陸務觀司直陸賦

長句林邀予次韵 壬午

林子勇報國太華欲力學吾嘗歎其材浮海中巨舶向
 來固不用今用猶迫近比興柑累：霜飽實未摘不使

供王羞何異棄道側山東一百郡風氣久恨隔子如文
思歸殊勳定誰冊孝哉狄梁公竚立望雲白親舍豈不
念王事正求索前閭獻果餘用叔孫通事手餉懷橘客雖非
木奴千殆過庭實百兩公相親意初不主殺核當於古
人求未可以臆度如我乃無用甘作下惠阨

許陸務觀館中海棠未與而詩來次韵

莫嗔芳意太矜持曾得三郎感策吹事見梅聖俞詩注今日若

無工部句慙慙猶惜最殘枝

以紅碧二色桃花送務觀壬午二月

碧雲欲合帶紅霞知是秦人洞裏花俗眼只應窺燕麥

不如送與謫仙家

范至能以詩求二色桃再次韵二首

霓裳舞罷醉流霞翠袖頻擅眼欲花丈室蕭然那用此

春深料得客思家

翰墨場中蔡少霞如今悟徹頌桃花看朱成碧吾方眩
試把橫枝問作家

劉信叔錡太尉挽詞二首壬午

今代詩書帥收功百戰餘人誰不開府公獨帶除書死
後家無甌生前客有車輕財并待士此意古如何
不謂擒胡月妖星犯將營去冬有星犯上將伊吾空有志渭上

不成耕衆議磨圭玷他年聽鼓聲何妨築高冢為象順
昌城

務觀得曾吉甫茶反以詩見遺因次其韵壬午
詩仙餉子北苑雪正欲一洗東華塵道山庭尉俱夢事
喚醒野軒真主人

送洪景廬舍人北使壬午四月

嘗記揮毫草檄初必知鳴鏑集單于由來筆下三千牘
可勝軍中十萬夫已許乞盟朝渭上不訪持節過幽都
吾君甚似仁皇帝宜有韓公贊廟謨

次韵務觀迎駕壬午

法駕朝西内諸臣許後陪蹕煩民更喜鳶載路無埃我
輦猶簪筆君才合面槐如何車九：獨不與偕來

次子中兄韵三首壬午

獻納深慙杜少陵驟紆皇眷秩頻增羽書日：驚飛電
給札歸來欲飲冰近賜筆札令群臣條陳時事

讀罷新詩暖似春手搖食指舌生津平生口腹何曾計
自笑如今枉累人黃雀不至故有此句

黃道初開日月新容光應不問孤臣左螭立近焚香案
右掖名參視草人三聖深恩空刺骨幾年歸夢已通神
阿兄念我勤招憶好為丹爐養汞銀

陸務觀編修以石芥送劉韶美禮部劉飲以勁
酒二公皆舊隣也因其有詩次韵二首 壬午

芥辛酒苦却多情田舍翁成嫵媚名屋角風號天欲雪
胸中浩：正春生

自移家具失連牆不復燈前共詠觴手裏有詩憐指動
甕邊無分笑頭方

招陸務觀食江西筍歸有絕句云色如玉版猫
頭筍味抵駝峯牛尾狸歸向妻孥誇至夕書

生寒乞定難醫戲和 壬午

東厨日：厭侯鯖却羨萍虀擣韭根如我乃真寒乞耳

只知肉味筍殊村

次韵程泰之駕部送猴 壬午

團：擾：便生憎誰暇徐觀棘刺能駕部猶嫌無駿馬
他人須用土牛乘

寄題新居羅長卿觀瀾閣蘭堂 壬午

大江來章貢小江出香城快哉一閣上挹此二水清江
落波瀾靜江漲波瀾驚四時五變化兩日常兼并登臨
苟得要坐使萬象呈吾聞鄒國軻耻作么麼生平生浩
然氣直與天地盈觀水必觀瀾寓言見真情雨集溝澮
間肯把青眼橫長卿軻之徒胷中氣崢嶸學障百川東

詞如三峽傾此道素自得此景宜天成我本煙波徒臨
流嘗濯纓他年理漁艇往尋鷗鷺盟倘 新居圖載我
一葉輕

君不見漢家築臺臨咸京圖籍排比如魚鱗又不見晉
人創亭稽山陰群賢畢集羅簪紳古今名蘭固多矣而
此二者常不泯乃知草木本無取必假人物始可珍夫
君名高斗以南築堂宛在江之濬楚人盃要競服艾羗
獨滋蘭真絕倫風搖綠葉劍戟舞雨折香苞檀麝新不
寧克幃悅鼻觀正自紉佩持吾身堂與藏書三萬軸盡
校魚魯分根銀堂中延客三履可結僑 扎參雷陳定

知斯堂閱千載與昔臺亭名共振僕也生憎鮑魚肆扣
門屢作君家賓小槽珠滴不待滿有時旋漉頭上巾醉
留惡語浣君壁有客如此君勿嗔

讀史二首 壬午

舜作九成樂丹鳳儀其宮周脩既醉福高岡始鳴桐區
區漢宣帝雜霸欺群聾憚誅廣漢族一變高文風德教
既不任覽輝理未通惟昔周道哀麟出大野中尼父絕
史筆益傷吾道窮漢治非虞周鳳來與麟同胡然穎川
守乃敢貪天功下義上賞姦甚哉其相蒙

洪喬晉名士耻為致書郵扁舟石頭路百函委湍流惠

固有不費俛從諒何尤性也倘自異却之尚為優奈何
負諾責而令任沉浮天報在爾子晚解桓温仇答謝豈
不審何至空函投坐此竟棄絕侘際歸山丘乃知網恢
恢小惡靡不酬寄語輕薄子勿貽子孫憂

漁父四時歌

壬午

三湘七澤雲連水短棹意行無遠適江花時傍綠簑飛
水鳥忽隨清唱起醉後懽呼踏浪兒鮪可鱸兮杭可炊
芳草從教天樣遠都無閒恨可萋迷碧桃幾片來何處
試訪秦人武陵路

朝霞沉綺鳥鵲興釣車徐理棖一鳴夕蟾散金鷗鷺浴

乘流蕩槳清江曲行人卓午汗如流綠陰濃處找扁舟
絲綸卷盡身無事日長睡足風颭：覺來一觴仍起舞
未信人間有炎暑

世人只詠江如練此景何曾眼中見露零月白人已眠
萬頃風光儂自占蓴鱸况復生計優酒醒還醉餘何求
有時間看飛鴻字斜倚篙竿不掉頭曉來誰誤招：渡
一笑黃緣葦間去

白浪粘天雲覆地津人斷渡征人喟欲矜好手傲風波
故把扁舟恣遊戲雪簑不博狐白裘尺寸之膚暖即休
賣魚得錢沽美酒翁媪兒孫交勸酬田家禾熟疲輸送

周益公集
卷之三
樂哉蓬底華胥夢

省齋文藁卷第二 終

省齋文藁卷第三

周益文忠公集三

古律詩四十六首

起隆興癸未止乾道乙酉
臨安廬陵

四禽 癸未

人言百舌巧暑至輒無聲不如鳩雖拙四時知陰晴提
壺勸我飲我醉誰解醒布穀獨可聽要當早歸耕

恩許奉祠子中兄重寄臣字韵詩再次韵

癸未

迂儒豈足助惟新日奉威顏謝主臣可罷本非緣一事
致疑初不怨三人弟兄有祿供温飽畎畝何階答聖神
此去讀書真事業向來正字誤根銀

次韻子中兄相迎詩中有莫松楸之語追念別

後叔母子柔下世故卒章及之

癸未

浙水秦淮度十霜官清誰薄簡編香春來恠底烏烏樂

歸去喜同灯燭光身近廣寒猶內熱手遮赫日却心涼

只愁初踏江邊路封土累然似斧堂

其求去之日乾鵲噪簷劉賓之正在

坐戲曰遷乎其日遂志耳果然

次韻陸務觀送行二首

癸未

蓬閣虛生白蘭臺汗殺青英遊迷歲月神武動風霆遷

擢恩頻忝黔黎困未醒空喘范蠡去羞對浙江亭

議論今誰及詞章更可宗三年依玉樹一別遂塵容盡

日尋山寺思君傍塞烽

務觀將赴京口

五言何敢續持用當緘

封

張淵道侍郎挽詞二首

癸未

籍甚中興日歸欣載戢秋周旋黃石法邂逅赤松遊名

與衡山峙身隨楚水流若為窺智勇家世本留侯

南國頻移鎮西清疊進班衮衣元繾綣貝錦謾爛斑斜

日逢單闕

公薨以已卯夏

流金識大還惟餘千字誄傳誦滿人

問

重九竹園見梨花懷子中兄

癸未

春花着雨即塵埃何似深秋耐久開菊尚無多饒瑞質

霜如有意護香顛也知林下風光早不為山中曆日催

望斷行人思折寄却疑呼作嶺頭梅

九月十八日夜忽夢作送王龜齡詩兩句枕上

足成之

匈奴何敢渡江東一士真過萬馬雄
唐室安危誰可佩
雪山輕重屬之公
天臺不納尚書履
鄉縣猶行御史驄
行樂休嫌園小
高歌幸有鼻隆
龜齡家有小園而侍姬號隆

寄題龍泉孫大同司戶三桂堂 癸未

山居速化植千荻
孫家種木惟種德
一朝仙籍浮桂香
昔笑其迂今改色
鄰翁管兒乞條枚
條枚不惜莫浪裁
君不見天街十二綠
槐滿獨有城東之
槐應三台

題神岡廟其神蓋六朝時劉竺史君也 癸未十月

岸斷川平拔一峯
丹青剝落古靈宮
邦人歲久忘遺愛
賈客時來乞好風
二水有情猶繫折
霜楓無數尚旗紅
岡頭故址宜亭榭
城郭江山盡眼中

去年會慶節初定上壽儀
勅差翰林承旨今樞密
洪景嚴攝殿中監
執酒盞予攝少監以酒
注予盞既而準故事
權停此禮但拜表文德
殿下從駕朝德壽宮
今年赴永和寺觀罷散
武弁數人而已有感
成小詩 癸未

去歲茲辰侍赤墀
詔黃親許奉瑤卮
如今不及封人賤

猶對君王効祝辭

再次去年子中兄送黃雀不至韻

祝壽筵開正小春兄酬弟勸喜津：披綿走送非無意
小愧乘成多忘人

送芮國器察院漕廣東 甲申正月

星聚曾尊德箕張各避風別離雙鬢異邂逅一尊同五
嶺皇華使扁舟漁釣翁江分鴻不到書劄若為通

龍須道中 甲申二月

客勞一作問田頭餉渠憐馬上即作勞并罄控未用別間

忙

同子中兄遊龍湏吉祥善生諸寺歸至柞樹渡

大風雨中登舟 甲申二月

徧尋山寺穿雲子歸戲風波踏浪兒事業如斯官給廩

廬陵米貴有人饑今春不雨民方艱食

甲申中秋子中兄賦詩有人月分圓二十年之

句益歎中間多難且離別未嘗為會也次韻

世事渾如蝸過前刀頭喜對鏡飛天陰晴萬里同茲夕

離別前時照幾年此去莫令疎會合從來無意必騰騫

幾思種秫迎佳節窮鬼還來笑買田近屢為此計垂成輒破

夜坐困甚 甲申

馬通薪熟夜爐深
拄膝承顏夢欲成
不記坐來湯沸鼎
却疑蓬底聽灘聲

乘成臺觀雪憶子上兄
甲申十一月二十七日

南雪霏微積便晞
兒童只慣管中窺
誰知今歲望不斷
天與一臺成此奇
苔護屐痕種疊
松垂談麈玉枝
團欒忽憶新令尹
天際帆飛歸不疑

次韵王洋少府送蕉坑茶
甲申

昏然午枕困漳濱
醒以清風賴子真
初似參禪逢硬語
又如味諫得端人
王程不趁清明宴
野老先分浩蕩春
敢向柘羅評綠玉
待君同碾試飛塵

同年劉辰告妻易氏挽詞
甲申十二月

曾師班女訟兄功
何意安仁悼德宮
圍解鷓原芳譽遠
塵昏鸞鏡玉容空
蕭騷風棘悲諸子
寂寞笙歌泣舞童
莫訝無從出哀涕
良人契合四般同

二月十七夜與諸弟小酌嘗榷實誤食烏喙烏
喙董也古書云以董寘酒殺人戲成小詩
乙酉

伏神老芋不傷生
江蟹螭螟禍亦輕
我獨好奇嘗酒董
誤思榷實殺三彭

題聳寒圖二絕
乙酉

浪傳魁梧越滄溟
過譽清夷得好銘
今見畫圖寒乞甚

心聲心畫果難形

道山仙聖典刑真原廟功臣劔佩新歸掩柴門無此夢
撚鬚畫腹對斯人

二月二十六日携家游青原歸入陽園醪醑盛

開誦子中兄摘雲搖碧露繁星之句賦此詩

乙酉

偶從山寺賞春還問訊名花已破慳清絕比梅加馥郁
丰容似菊更妖嫵碧雲重憶尊前句紅纈遙思醉後顏
寒食清明祇旬日綠齋芍藥待君攀

故翰林汪公明端居零陵時嘗作玩鷗亭今疆

中提幹敬以其榜揭荆溪第中命某賦詩

乙酉

賈生問鵬謾傷神應愧先生入理深肝膽何曾分楚越
心形直欲混人禽亭郵永鎮愚溪上扁榜重門罨畫陰
見說騎鯨游汗漫倘憑鷗鳥一傳音

永新賀升卿携中原六圖相遇其論古名将出

師道路形勢可指諸掌為賦此詩

乙酉四月十九日

歷：山河一卷書博聞疑是古潛夫金城未入職方考
玉坐正披輿地圖取號不應須假道勝齊終恐用真儒

從來美玉勞三獻豈比巾箱襲砥砮

君嘗再上書

次韵芮漕國器憶去年上元二首

乙酉

使節番禺重中朝社稷臣喜沉刁斗夜遠布玉墀春古
寺看紅葉報恩寺菩提
葉燈最佳蕃街試幻人餘歡曾盡否應記
繞梁塵

門外人隨月窓前竹動風老便佳竹靜病幸綠樽空春
至鴻聲北人遙蝶夢東隔年詩有債生理固知窮

次韵廣東為漕時聞其部中寇退而湖湘之民

方避地來此 乙酉五月

笑酌貪泉為賦詩凜然清節照南夷廐空不納如羊馬
才天常啖捕鼠狸盜已奔秦非地險心遲去魯只天知
愛君勤把歸鞍促莫待鸞旗訪具茨

病廢壺觴懶廢詩漸叅禪悅學希夷志非鴻鵠寧憎燕
路怯豺狼更畏狸節物匆々愁裏度人情擾々靜中知
已營二頃親簞笠何日三間看墜茨

胡季懷有詩約羣從為秋泉之集輒以山果助

筵戲作二疊 乙酉六月九日

近詩通譜江西社新釀揆先天下秋已許眼中窺一豹
可容杯裏散千憂

君家香醪密不如設投木挑望瑤瑤敢誇所無易所有
潘郎一出果盈車

病中次務觀通判韵 乙酉九月十六日

老眼亂蟬翼樂事數何有經年不銜盃更暇問濡首憂
山空在山槿埴詎容走塵埃登高帽生澁彈碁手三年
一蒲團近者坐欲朽朝來獨何事乾鵲窺甕牖開門得
新詩刮膜如釋負卷舒幾百回呼舜駭隣友吾曹交以
淡悠久或采非此味只自知他人薄玄酒

次折仲古樞密韻寄題來陽曹欽臣彥若藏書

室 乙酉十月八日

讀書清淨業病亦與心違簡蠹蟬穿字帙藏蛛織衣羨
君傳七畧何日款重闈不憚浮湘去其如失步歸

訪胡邦衡庭前四菊茂甚因賦二絕 乙酉十月

大杓親分兩玉瓶東籬手植萬金英荒園有酒愁無菊
擬乞繁華助眼明

揮毫曾對沈郎花好事今同元亮家看即槐庭滿桃李

霜枝畱與野人誇

今西省紫薇花沈德和植前句常及之

往蒙邱宗元紹知縣以佳句為壽今承解印次

韻贈別

百里人々卧去輪兒從父老季從昆飛鳧空戀古仙伯
展驥難欲畱龐士元蟾桂影圓人別驪駒歌闋客無言
太微已動哀鳥色應待循良款相垣

十月十七日大椿堂小集胡從周季懷以予目

疾皆許送白酒彌旬不至戲成長韻

畏疾甚畏威目昏口止酒爾來時一中免使論薄厚儀

康業廢祠釀具散莫糾採藥山已焚白酒以野草為餅藥種林時轉

後門稀問字客室乏借書在尚賴金石交每顧貧病叟

前時相娛樂如對疏廣受有漿不待乞似驗歲在酉今

日掃風軒明日芼園藪白衣兩不來往化鳥有頗聞

繼高會露醉牛馬走寧忘伐木詩醅醕客朋友或疑決

西江恥復餉升斗胡不玩易象樽篋納吾扁二義倘其

未然諾責何為負君兮優阮藉僕也咸充守結交十五

年果可不飲否食言能無肥有字乃免咎速宜倒糟牀

走送昔與醜勿學比舍郎夜半招吏部守部協音

送七兄監廟赴南宮兼呈大兄知縣二首 乙酉

十二月四日

俊兄才學眾人知富貴功名自有時海運今看鵬心擊

韶成始是鳳來儀狀頭謾說文諧峻榜眼常多紫綬垂

太上朝連十榜進士第二人所歷官皆過大魁家有鄭公遺笏在一聞吉語即

相貽上世有楷笏遺訓傳登科者今某守之兵火以來故物惟此爾

河梁曾誦送行篇蝸角牛毛十五年庚午冬某赴省兄詩云爾畢竟

中間皆夢爾抵今相對合蒼然蕭々暫隔連床雨蕩々

初行萬斛舡誰近上林看躍馬東陽詩句定先傳

曾英發運幹頃携二詩相遇今復寄贈大篇且

惠漢唐金石刻輒次前韵道謝乙酉十二月八日

君家奕葉播芳馨室有圖書暴兩榮詩什編成風雅頌
寶章臨徧草真行興來文陣千軍掃醉後談鋒一座傾
已許春風來過我從今日：聽嚴程

屢空不擬論錢神多病惟思對藥臣驟獲斷碑勝與縞
徐觀妙語可書紳起予字：興三歎集古駸：訪九垓
欲寄佳州選何物折楊聊復和韶鈞

贈孫次山 乙酉

南澗有奇松歲晚鬱青蒼北隴有寒梅同傲雪與霜實

大華更榮二美乃相望我從採樵歸聞此百步香不辭
踐荒穢所欣議孤芳可玩不可折：枝亦何傷但恐入
市門羞薄時世粧少湏子含酸且復成其章味宜調鼎
食材可中虹梁知音不難逢會當貢明光

十二月二十二日葛守送羊羔酒戲占小詩 乙酉

馬乳三年隔大官羊羔今日倒芳樽淺斟低唱非吾事
醉夢惟應踏菜園

胡邦衡送酒有酒婢之語次韵 乙酉

侍郎情所寄九醞屈楊枝釀熟仍親酌方成一段奇

省齋文稿卷第三 終

省齋文藁卷第四

周益文忠公集四

古律詩八十五首

起乾道丙戌止己丑廬陵抵宜興江行

青衣道人羅尚簡論予命宜退不宜進甚契鄙

心連日求詩為賦一首 丙戌正月

亦知磨蝎直身官懶訪星官與曆翁豈有虛名望蘇子
謾令簸惡似韓公時清早退人誰肯命薄當閒我自通
破戒問君：會否幾人於此不相蒙 退之云我生之辰
月宿南斗東坡嘗

論此僕之
星辰偶同

次韻胡邦衡二首 丙戌二月十三日

馮翊當年助匪頑殊方此日奉賓歡淺斟想對銷金帳

生意重尋

一作羞看

白玉槃蟻泛似緣糴足慕海疑如得毳

逃寒十羊百榼何須辦試問東風可味酸

右春日飲羊羔酒

姚魏紛：殆百家天香一出自無譁傷多莫厭扶頭酒

貴少翻嫌滿眼花康樂舊聞宜水竹翰林新調帶煙霞

李白云他人之文如山無煙霞而其清平調正為牡丹作

從渠草木呈新巧終愧吾

公正且葩

右二月十二日牡丹一花先開

再賦羊羔酒

丙戌二月

日：茅柴帚掃愁糴葷暫逐富兒遊山中萬足天美祿
賸作酒材供拍浮

二月十五日同兄弟甥姪遊西臺次子載弟韻

丙戌

地飲成真率天風怒澁慳臺臨平野迫人對老僧間已
是尋春至仍容載月還郊坰有如此能不數追攀

頃創棊色之論邦衡深然之明日府中花會戲

成二絕

丙戌二月十六日

局勢方迷棊有色歌聲不發酒無歡明朝一彩定三賽
國手秋唇雙牡丹

謂新妓李瑩李棠也

醉紅政不妨文飲呼白從來要助歡棊色應同三昧色

牡丹何似九秋丹

二月十七日葛守錢倅出所知胡邦衡羊羔酒

詩再次韻簡二公 丙戌

德似羊羔春共頌
政如醇酎野多歡
屬厭靖節杯中物
屢費將軍行裏槃
疇昔調饑惟飲濕
祇今軟飽不言寒
唱酬妍麗婦公等
自笑梅翁語帶酸

次韻江州林黃中上巳日會邛州劉侍郎梓漕

任直閣於庾樓 丙戌

牙旗排檻曉鳴風
樓上何人清宴同
東道主開軍府盛
西都賓共聖賢中
詞鋒永日論堅白
輦路他年記軟紅
頗念平生故人否
羽觴寂寞坐談空

五月南山蛟壞民田百畝胡英彥有詩次韻 丙戌

旌陽昔屠蛟
勳塞天宇大
涵淹此遺種
千歲不悔過
良苗蔚懷新
倏作渺茫墮
懦夫愧鼻祖
無策祇愁卧
勇哉韓退之
切齒鯨為禍
雄詞坐以逐
豈必勞剗剗
有如衛承光
經物誰能浣
清泉復化土
魚鼈枯可剗
從今仕執珪
依飛以斬
蛟仕執珪
先已最郡課

胡長彥母解氏挽詞 丙戌六月

諼死蘭枯及老堂
翩：丹旒逐風翔
水間鱗躍悲餘閣
帝上鸞迴閱古囊
年過九齡今代少
家留一桂異時芳
衰宗自恨通姻晚
不及陶家饌客觴

橫州太守趙持挽詩 丙戌

月五公集
憶驅千騎過田間克國年耆鬢未斑遺事劇談黃閣老
君少家穎昌能道蘇黃門事 舊遊追記玉門閑橫槎只道南通海妖
夢那知夜裂山宿將如今幾人在稍聽鞞鼓涕先潛

次韵湯朝美古意二首 丁亥閏七月

來賓有雙鴈哦：漸北江皋豈嘗謀稻梁逝將辨早高乃
知可為儀初在不羽毛鄙哉負塗豕躡躅爭一槽

雲間兩鳴鶴清聲聞去聲蘭皋洗我鼃鼉耳興逐秋天高
頗欲從之游安得六翮毛歸來三歎息誰家開擅槽

遊茅山道中望岡阜西南來勢若連環既赴三
茅而尾北擲馬上口占 丁亥九月二日

千峯溧陽來勢若西南奔遙拱三茅峯不敢迫致尊近
茅無三茅如軒縣次序儼弟昆正西關夷塗群西之所
門至今下泊宮往：彌旗旛

戲示凝神庵張椿齡 丁亥九月四日 椿齡時傷足不能行

仙師足屐踏京洛亦復懶控茅峯鶴遺形聊示德克符
閉目定從陳鐵脚 事見山記 來自英傳

次韵溧水令李彥平清賞圖 丁亥

俗吏才拘：書生志落：均之窘几案底處着立壑中
山李長官整暇非政學庭虛吏早散園古向頻琢問之
何能爾行道輕去就誰如班孟堅齷齪事元舅紛：名

利場風俗日益蠱腰圍黃金帶巧宦不難取惟有佳兒
孫未易以力致君看房杜輩勲業照文字徐勣尚笑之
垂誠甚切至何如遺清白世有賢者類詩書聞過庭杖
屨奉安步邑人爭指似玉立稱祖父豈惟慰眼前門戶
賴不仆翁乎復何憂弦歌樂朝暮

蕪湖宰沈約之端節惠詩編次韻為謝

丁亥九月二十

日

令君到處即文場未怕簿書期會忙神術有時朝賜履
賡歌無路贊垂裳彭州篇什元飛動工部交游更老蒼
自古詩人貴磨琢試看淇澳詠文章

池陽四詠

丁亥

夜泊清溪弄水亭棹謳徐起月華明水晶宮畔西湖上

除卻兩邦無此清

右弄水亭

天遣江山助牧之詩材猶及杜筠兒向來稍喜唐風集
今信樊川是父師

右杜荀鶴長林

君葺城樓望九峯我能徧踏九芙蓉飛雲捲雨輸賢守

透月穿天乞老農

右九華樓

地占齊山最上頭州城宛在水中洲蜿蜒正作長虹墮

吸住江河萬里流

右翠微亭

再登翠微亭和同年湯平甫知縣二首

丁亥九月二十

上清別殿舊通明仙聖飛騰戶不扃出郭尚疑窓列岫

絕堤始露嶽真形堤盡循水而觀石骨層出山形在此奇：恠：無非洞

下：高：總可亭但把醺酣酬絕景天風吹面徑須

醒

相君早日翼天飛晚落江湖罪以微好事一時開翠壁

佳名千古記黃扉王誓山記云或謂因唐刺史齊映得名予觀映傳及池州題名映未嘗為

刺史而裴度所作壁記但有倉部郎中齊君又在元和四年非映甚明而映罷相後嘗歷江西觀察使地舊隸

江西則此山以映得名不為無據特不當言刺史耳朝遊要及雅翻樹夕返何妨

螢濕衣更得湯休奇絕句後來誰憶謝元暉

登九華山化城峯 丁亥九月二十九日

攀蘿度險捷猿猿石角鈎衣屨盡穿莫訝遠尋金地藏

也曾徐步玉塔前

登龜山 同前

注坡緣壁化城中客愠奴嗔我亦慵及至龜山還一上
為憐高閣對雙峯

贈崇壽寺僧善修 同前

老僧九十視耽：二十年來不下山我得九華克法供
亦能禁足老山間

遊雲光寺李提舉康領客將至留二小詩

來如負弩先去為乘驄避江祖一片石留伴幽人醉
作者正七人賓主飲中空八仙長齋詎容醉晉也合逃
禪

泛清溪至玉鏡潭 丁亥十月一日

清溪水色勝於藍祖石移舟下鏡潭妙絕畫屏并碧玉
謫仙不見與誰談

望皖公山 丁亥十月十三日

太婆嶺獨高秋浦皖公山正望龍舒端如牛女隔天漢
不似彭郎近小姑

遊廬山佛手巖雪霽望南山 丁亥十月二十三日

十日頑陰不見山：中一夜雪封菴伊予的有尋山分
日照北山雲在南

遊廬山弔大林 同前

上盡諸峯地轉平天低雲近日多陰古來南北通雙徑
此去東南啟二林虞世南碑從泥沒白居易序合推尋
康廬第一真仙境匡諱忍使如今遂陸沉

天池觀文殊燈

代馬腥膻暗五臺南方世界且徘徊一燈別是真知識
不用奔波學善財

贈栖賢藏主可昇 可昇眉州人與予同庚
丁亥十月二十六日

我比同年百不能只餘霜鬢愧師兄慙慙覓句無言說
共撥寒灰聽水聲

遊廬山舟中賦四韻

丁亥十月二十八日

南北周廬阜東西徧九華宴安無醜毒痼疾有煙霞淡
薄村：酒甘香院：茶馳驅君莫厭此出勝居家

陳宰有詩來迎次韻

丁亥十一月十九日

沿沂江湖樂有餘怡：何必歎東徂賞心到處窮佳境
好事逢人得異書風浪送飄時一快魚龍潛穴不須驅
歸來正使無泥洗合厭香醪作歲除

是行徧歷三茅九華匡廬西山又獲

書籍碑刻頗富

七兄以詩相迎次韻

丁亥十二月三日

昔作忽：去今成緩：歸江山苦招隱鷗鷺信忘機已

分漁舟老還思鴈序飛天公知客意帆飽水生肥

走筆次七兄韻戲奉新：莊

丁亥十二月五日

臘月更兼逢臘日滿江飛雪兆豐年從兄預借南昌米
多釀新醪醉樂天

次韻胡邦衡相迎

丁亥十二月

路逢驛使嶺頭回喜得新詩勝得梅情似春風縹楚柳
句如臘雪屑韓瑰祗今皇側求賢席底事公銜樂聖杯
台路六符行復煥丹心一寸未應灰

向以書戲邦衡云某自廬山遊西山當就迎公

召節今邦衡有詩 此語不驗次韵 丁亥三月三十

日

慧遠遙同社洪崖近拍肩松枝年紀萬葉實歲踰千池天

在廬山絕頂有萬年松香徑欲通天漢忙因擢酒船漕

城在西山絕頂有千歲葉附致厨醞四香城均一握易地即皆然 邦衡新居亦

次韵張安國二首 并序 丁亥

連歲遠出近方拜觀安撫待制舍人送李乘將士

詩中有見及語次韵二首其一賀轉運直閣新命

其一上塵祭戟

往時渡長蘆行役甚迫束忽逢萬人傑大勝十年讀升

沉既日異歲月空電速公乎國元龜用捨興替卜如何

白玉堂傑直不滿宿共惟中興主志掃伊吾北寧容廊

廟具尚賦諸侯祿相茵朝以登胡騎夕可逐斯民補瘡

痛郡縣寬金谷重將大手筆繼鏤泰山玉 唐封禪燕公文

子房思赤松冠掛帶不束高風動縉紳盛事爭誦讀向

來進匪銳今退那得速皇帝六載冬熏燎郊再卜均釐

際蓋壤齋予首耆宿煌煌舊使星密映紫微北要令對

青藜聊復寓天祿人言驥雖老萬馬未易逐方為帝者

師敢請罷辟谷魯公從周公榮哉佩聯玉

致政揚圖南扶僉判惠園亭石刻來索惡語寄

題三首 戊子

湖山亭

七十歸休古亦稀誰瀕四十掛朝衣天如不發湖山悶
林下真無一士歸

秀野堂

一見堂名憶豫州豈知身在楚江頭主人久享園中樂
晚歲宜先天下憂

有竹無花山澤癯有花無竹雪肌膚洛陽城裏花連竹
迂叟規模定不迂

次韵楊文發承議 戊子正月

才思春江下瀨船腹藏經史更便筭坐觀林谷升初日
吟到雲山合墓煙憶昨傾囊携過我知君得句總堪傳
古來虛誕相如賦枉使劉郎意欲仙

樂順之司理用楊韵贊予去歲江行遊山之樂

再次韵 戊子正月

溯洄險過峽中船賴有名山寄靜便立壑遂將從栗里
功名何敢夢凌煙吾賢才術今誰敵野老風流未可傳
趨取桃花日千里蓬萊方丈會群仙 君將順流造朝

寄題太和陳氏益龜堂 戊子正月十三日

講堂昔日飛三鱣學館如今益十龜文字之祥君勿卜
明年春榜印纍：

次韵樂順之司理新釋花權及上元不張燈二

絕句 戊子正月

一自樂卿司樂籍天挑穠李闕誇張陰成却落他人手
始悟分廂作法凉

天闕華燈亦有情知君新不顧傾城遥憐擁被哦詩句
却遣隋珠照夜明

信國太夫人慕容氏挽詞二首 戊子八月

門地榮聽履夫家世夢松初終無一欠見張籍詩富貴有三

從疾愈龍宮藥恩加象服封乘鸞期忽至談笑返仙峯

夫人去秋屬疾賜藥而愈旋啟國封今聞無病薨

早慕闕遊識曾饗截髮餐升堂乖宿約禊洛罷榮觀女
史新彤管宗臣泣素冠哀榮誰可擬嘉祐富之韓

胡邦衡相過賞金鳳許詩未送邦衡復作木犀

會二花殆是的對偶成韵 戊子八月

身間端合醉秋光兩地名花况並芳金作鳳形如許巧
木成犀理若為香髻頭自笑辜釵色沙面誰知識帶黃
莫閉詩壇偃旗鼓天生的對欠平章

鹿鳴宴坐上次錢守韵 戊子十月七日

制舉巍科世有賢聞孫傳業中興年貢才合益諸侯地
寵餞真開刺史天有弟已容持布鼓無能仍許鬻_市梳鞭
太平故事西崑體指日皇都萬口傳

魯季欽少卿安序堂次朱希真韻

行藏本同塗明哲遇輒安猷畝道可樂肯思負鼎干膳
肉倘受禮豈遽涉文川大哉天地準笑汝士女耽丈人
三吳秀此理久已叅緬懷洛京老知音賞英咸佳名表
棟宇妙語來江山至今編簡香不謂室有蘭君看為邦
問正在簾歌間閱世從川流如愚安石聳聖門惟若人
始可語易占不見繫辭中巋然獨書顏

邦衡置酒出小鬟予以官柳名之聞邦衡近買

婢名野梅故以為對戊子十一月

濁水難攀清路塵偶曾先後掌絲綸歸來久侍茵憑舊

至後初逢梅柳新湖水歌斜應有意東坡詩曰日出冰

柳漸敬斜春光漏洩不無因絳帷幸許天荒破日當為問

道人

楊昌英示性說次韻為謝戊子十一月

聖學榛蕪久掃除誠齋刻意紹淵輿羊岐自昔迷多徑
雞甕從今識廣居西洛窮源談近似南宗投隙說真如
早知大道容方軌何用危塗轉棧車

再次韵送楊昌英赴麻陽宰

戊子

未結約絲侍玉除聊紆墨綬奉安輿諸君相尚耻為令
明府何妨大所居歲美莫憂君不足日長當念民無如
玉床箭鏃何勞寄只願章交使者車

胡季懷惠六出梅一枝仍枉絕句率然次韻勿

笑拙速

戊子

恠底雪花今歲少東君聚巧入壺春老夫只學龜藏六
未羨梢頭首面新

夜夢次陳立夫韻

戊子十二月八日

慣伴山僧汲澗泉懶隨年少夢游仙風流輸與賢兄弟

朱閣臨風教李娟

非想所及不可曉也

七兄夜以小詩相戲走筆和韻

戊子十二月十九日

小蠻未解嚙鶯簧鑿壁偷分富燭光不是龐公靈照女
誰人為作起予商

隨見三歲能謳

戊子歲除以耨代酒送邦衡邦衡有詩見戲仍

送牛尾狸次韻

先生豈比習池徒薄醞仍慙校尉厨獻耨聊將追拒救
舖糟只欲伴屠蘇削肌知自何人手灌頂疑嘗釋氏酬
必許尋花兼問柳敢辭提榼更提壺

邦衡再送二首一和為甚酥二和牛尾狸

己丑正月

十日

金谷烹煎豈我徒磨春爭語夜闌厨六年不賜湯官餅
 除日猶分刺史酥是日錢守送酥故事東坡謝泗守故事
 餅大篇有味勝清醕遙知發幕烘堂處不見蒸鷺只敬
 壺

追跡猶應怨獵徒截肪何敢恨庖厨鱠鱸湖上休誇玉
 煮豆瓶中未是酥伴食偏宜十字餅先驅正賴一庖醕
 却同玉面新名字賜斷元正白獸壺牛尾狸一名玉面狸
 後兩日大雪和衡復用前韻作窮語戲和己丑正月

十一日

天憐寓客混緇徒十日無煙香積厨蒼雪故教投碎米
 饒涎那更忍流酥旃毛鬻盡寒生粟風絮吟時韻怕醕
 誰似維摩坐芳罽散花別是一方壺

己丑二月七日雨中讀漢元帝紀效樂天體

昭君顏如花萬里度雞澆古今罪盡手妍醜亂群目誰
 知漢天子袿服自列屋有如公主親尚許穹廬辱况乃
 嬪嬙微未得當獮鬻奈何美文士太息爭度曲生傳琵琶
 聲死對青塚哭向令老後宮安得載簡牘一時抱微
 恨千古留賸馥因嗟當時事賢佞手反覆守道蕭傅死
 効忠京房戮史臣一張紙此外誰復錄有琴何人操去聲

有塚何人肅重色不重德聊以殄世俗古今賦昭君曲雖大賢所不免
僕矯其說無乃過乎

揚文甫主簿頃惠佳篇今赴松溪次韵送别己丑
二月

投林勸翼久知還尚客君家伯仲間入市每嫌妨杖屨
臨歧那忍問河山家聲好在金陵簿謂揚於陵也人物爭看
玉笋班他日銀黃夸里後不妨徐伴野夫閒

錢守青原瑞霽圖己丑夏旱得雨有獻此圖者

青原臺成知幾春倚欄但愛江山新那知遇事發奇秘
使君着眼惟憂民魯臺當年有故事首驗雲黃期歲美

鳳翔仙伯記新亭不志游觀名雨喜紛：煙霽何足
祥豐年上瑞不可忘江頭白粲連萬檣賸與官家實
大倉

胡邦衡生日以詩送北苑八銜日注二瓶己丑
六月三日

賀客稱觴滿冠霞樓名懸知酒渴正思茶尚書八餅
分闋焙主簿雙瓶揀越芽見梅聖俞謝宣城主簿詩妙手合調金

鼎鉉清風穩到玉皇家明年勅賜宣臺餽莫忘幽人
賦葉嘉

邦衡再和再次韻己丑六月六日

金華絕出氣凌霞不愧君王坐賜茶講讀罷例商嶺烹

來思舊樣王元之詩云樣標龍鳳號題新賜得還因作

于九畹芳蘭氣圓似三秋皓月輪愛洛泉煎處歎新芽

惜不嘗惟恐盡除將供養白頭親

唐劉言史與孟郊洛北野詩評未怕人生瘦鹽濟惟防

賊破家賸欲蒼生蘇息否剛嚴須是相王嘉

邦衡姪季懷亦惠二詩再次韻二首一頌其叔

姪之美一解季懷生日不送茶之嘲同前

竹林終日醉流霞下客窮空祇覓茶更欲打門奴酪粥

何殊斂手捧薑芽賜金指日揮疏傳盛饌常時設謝家

用晉陸納桂莫為唱酬供一笑從今便廢爾殺嘉

蕭散玄真吏少霞樵青日為煎茶謂迎莫因閩粵臯

蘆葉却厭神仙掌芽竹勝棊非我事季懷八月菊

潭試水是君家不須更酌蘋洲冢世以詩鳴句自嘉

季懷設醴且示佳篇再賦一章以疇五詠已丑六月

八日

卯飲高樓徹暮絕勝茅屋已公茶箬包句好逢真賞荷

葉甌深稱嫩芽詩老坐中容我輩朝賢乞處籍吾家詩來

屢引歐公茶詩故用箬包詩老事孟郊從來佳茗如佳

憑周况於朝賢乞茶詩云越甌荷葉空

什屢酌新烹味轉嘉

尚長道見和次韻二首已丑

詩成蜀錦聚雲霞宮樣宜嘗七寶茶壓倒柳州甘露飲

子厚茶詩猶同甘露飲洗空梅老白膏芽聖俞茶詩春芽研白膏睡魔豈是

驚軍將茗戰都緣避作家恠底清風失炎暑朝來吉甫

誦柔嘉連日雨涼

鍾山處士映高霞止酒惟親睡起茶遠向溪邊尋活水

閒於竹裏試陽芽一甌休問帝前席七椀且同僧在家

所愧叔孫無五善若為重拜晉君嘉

頃嘗夢至善生院賦謝一聯已丑七月十三日

因遊續成一絕

門外千竿竹繞牆清風終日注回廊五年未續夢中夢

得：來追三伏涼

七月十五日邦衡用前韻送薰衣香二貼次韻

為謝已丑

天香猶帶曳裙霞銀合行參到闕茶故事召用兩府將到闕中使賜銀合

茶葉及香賸馥欲霑吾臭味普薰聊發善萌芽心清此去誇

僧舍意可由來出內家乞與博山添正氣漸囁曾辱更

生嘉劉向薰炉銘云嘉此正氣漸巖若山

胡渙季示壽詩二首十月二十五日因其生日

次韻答之已丑

諸父聲名塞兩間圭分青白轂朱丹莫年勛業心方壯

前日姦諛骨尚寒謂邦聞道秋官還簡擢謂從獨憐處

士失榮觀謂廉夫如今喜見當家子應賦忠州此日歡

杲：朝曦正在東文心詩耳一時聰學當鼎盛猶無敵

才過頤期想更工此去宦游談笑裏後來家慶畫圖中

俾昌俾艾詩人事不似荒虛

紫竹己丑二首

曾到蓬山驗異聞浮筠翻動雪披紛紫莖綠葉騷人句

不在秋蘭在竹君拾遺記蓬山有浮筠之藪葉青莖紫下有砂礪細如粉暴風至竹條翻起

拂細砂如雪霰

青紫從來豈一端要看同傲折膠寒若輕間色思方節

圓竹應須斬萬竿

武崗太守羅棊恭挽辭二首己丑十一月

富貴由身致廉勤守自然常珍惟脫粟老伴只殘編天

已償高壽人猶望百年千車會葬者誰問大夫賢

憶昨登門日蟠齋擁夜爐疾姦頻齟齬悼往一喑鳴激

烈看前輩疲庸愧小儒英靈那戢木尚想亢狂胡

萬安韋邦彥字俊臣携王民瞻揚庭秀謝昌國

絕句相過次韻勉之己丑十一月十日

盧溪筆力透天心揚令文追正始音更讀池塘惠連句

識君何待接清襟

後學爭歆雨後巾前賢父澤霧中文韋即勉力追三傑
他日人還傲五雲

陳平叔相從四年文行粹然臨分惠詩有立身
行道之問敢用陽司業勉學者之意次韻為

贈 己丑十二月

好因輪斷悟觀書莫守筌蹄覓兔魚華嶽登來早步似
滄溟浮罷眇支渠命窮且戲娛親綵道合須牽奉詔裾
此外文章真小技未應傾慕蜀相如

贈黃格非

詩社飄零二十年春官老子復登仙

謂曾吉甫

豫章幸有橫

技在好覓鸞膠續斷絃

省齋文藁卷第四 終

奉新宰楊廷秀携詩訪別次韵送之 庚寅三月二十一日

誠齋詩名牛斗寒上規大雅非小山向來志氣薄黃散

忽為五斗輟萬卷兒童笑君非良圖丈夫出處寧知渠

吳公適為南州起昔日河南今在此好賢薦士任以身

門下賈生子其人鄙夫料事倘不誤早寄重修滕閣句

吳明可帥豫章方修滕王閣故及之

五月三日遊簡寂食甜苦笋知觀歐陽齊年求

詩 庚寅

蔬食山間茶亦甘况逢苦笋十分甜君看齒頰留餘味

端為森：正且嚴

去夏邦衡胡侍郎生日嘗因茶詩致善頌其語

果驗再賦一篇為大用長生之祝且求賜茗

作潤筆 庚寅六月崑山發

壽盃又是酌流霞醉眼還醒講殿茶舉世此謠思舊德

隔年詩識託新芽漢帷果慶登三傑胡幕何愁不一家

賜也多言如屢中合分龍餅示旌嘉

秘閣簷摧李監仁甫得湖北漕用温公故事作

小詩送之 庚寅六月

臺門屋壞中丞去秘閣簷摧少令婦賴有温公遺事在

故應早晚入黃扉

昨以清醇之酒為邦衡侍郎壽乃蒙惠詩且約

深秋清集至時侍郎當捨芙蓉而面三槐某

已歸醉東籬悠然見南山矣次韻為謝庚寅七月

臨安待對

觚稜回首六經春重挈荷囊上要津桑下未忘三宿戀

柳邊仍喜一番新復居舊宅然芙蓉即開東閣招奇士

快與西湖作主人聞今日玉壺盛事濁酒誇張真過矣如公詩

句乃清醇

邦衡侍郎再惠春字韻詩次韻懷舊叙謝且致

登庸之祝庚寅中元日

年：郡圃共尋春夜：神岡醉問津公從鷄翹恩典厚

我遊麟省寵光新願聞玉鉉調元日幸攝金鑿草制人

致主勛華端有望流風於此合還醇

邦衡侍郎用舊韻慶予生朝賡續為謝庚寅

蓬山落拓復經春宦海茫洋懶問津志節漸銷平日壯

鬢毛空比去年新午橋早並緋衣相一月還同赤壁人

邦衡以壬午六月生某以丙午七月生又同居廬陵故用裴度周瑜事天遣駕駘追驥駟

無如才德異疵醇

夜直懷永和兄弟庚寅八月壬申

玉堂清冷夜初長風雨蕭蕭：憶對床微道傳呼鐘鼓密

夢魂那得到君傍

重陽預約三館同舍登高于真珠園前數日李

粹伯秘丞除殿院 庚寅

勝遊元在十人中健翮先培萬里風落帽有誰追戲馬
峩冠無計屈乘驄對門尚許官曾近光館猶期燕會同
幸可誇張年少在未須細數菊花叢

與館中同僚會邦衡侍郎于南山真珠園後兩

日翰苑作開講讀會予不赴邦衡有詩見懷

次韵 庚寅九月二十日

講席人期相鄭覃石渠我忝繼齊堪碧琳殿邃同宣召

白玉堂深接笑談寓直敢陪東道主登高尚想北山南

洞巖勝集空回首何日芒屨許再探 碧琳在禁中近因
宣召至焉洞巖廬

陵勝處去年于此賞梅來
詩有紅粟寒稍之約故云

次韵邦衡哭季懷 庚寅九月二十二日

談鋒激烈劍芒寒素蘊光輝珠在潭萬里未行騏驎死
百圍將半豫章殘山中宰相今誰繼地下修文古亦難
一讀名章三太息淚流何止雍門彈

紹興庚辰九月二十三日與浙江道權帥同年

程龍圖並試玉堂庚寅歲由少蓬寓直搗文

發策試館職亦九月也有懷秦之輒寄四韵

當年給札踏金鑾重到依然九月寒今年寒極早學士策詢
學士策秘書官試秘書官自憐綠鬢非前度尚喜青衫
總一般寄語浙東程閣老莫矜紅旆笑儒酸

陳叔進秘書送鵝分粟為謝乃辱佳句次韵發

笑 庚寅十月十三日

有鵝不博禾三百却向枯河擲釣緜他日陳平宰天下
如瑜翻作指困人

夜直玉堂讀王仲行正字文編用入館新詩韵

庚寅十月二十九日

軼材騰驥駮勇思决河渠枝茂根先實名高士豈虛君

王憐舊士館殿有新除努力功名會燕然欠大書

草具屈邦衡侍郎蒙賦即事新詩次韵皆叙坐

上語他時共發一笑也 庚寅十一月十一日

舊地開梅塢新知泥柳橋情先春色動節後歲寒凋久
矣承三接宜然冠百僚不須驚鶴髮未礙挿蟬貂

和范至能舍人農圃堂韵 庚寅

荒淫吳以顛戰勝越為吉是非兩安在阡陌眇蕭瑟公
來開別墅草莽手爬擲陰晴及寒暑每到皆勝日新詩
吊興廢收拾滿箱帙有客師元亮甫謝彭澤秩幸分北
窓風容此易安膝

徐稚山林龍學挽詞二首

庚寅

有美傳清雅無心問介通僉言宜僕射累疏避司空

山推

初言兵不可輕用忤王龜齡而去湯丞相疑可助已薦為給事中累辭竟不起人始服其通介不徇時故專用

徐宣徐身後疏巾斂生前濁酒中吳鉤無路掛灑淚寄

邀事西風

昔者陪簪筆比隣記鑿垣十年何間濶一見欲無言哭
鯉何多難葬羸真少恩天乎如可恃門戶看諸孫

徐子禮藏宗丞挽詞

庚寅

符節何妨彩服班專心溫清寧去求間賓朋忽吊西河

上父子繼遊東岱間前日臺門哭瓜葛同時華屋落立

山不須更問相從舊行道之人亦涕潛

慶邦衛生朝用去年韵

辛卯六月三日

勁氣危言五十春今騎廐馬踏天津葵傾夏日心彌切

松度秋霜色轉新禹禹調和知有日君臣慶會豈因人

謂壬午與周流四府須三紀壽寧休辭痛飲醇胡廣周

丁未合三十餘年通鑑五十七

入直召對選德殿賜茶而退 辛卯七月四日

綠槐夾道集昏鴉勅使傳宣坐賜茶歸到玉堂清不寐

月鈎初上紫薇花 時兩株盛開

陳君舉示張孝愷行狀且求詩孝愷嘗攝令華

亭有善狀 壬辰正月二十四日

簡惠唐蘇令文章漢甲科滿朝空慰藉漫仕竟蹉跎有

命窮何病無年理則那挽謳嗟不及留與邑人歌 圖經唐蘇

齋攝華亭縣令在官簡惠蒞事公正

過鄔子湖 壬辰五月癸未日

萬頃湖光似鏡平蜿蜒得：導舟行從來仕路風波惡

却是江神不世情

奉祠還家姪繹以詩相迎次韵 壬辰六月

聖朝有道合羞貧清晝那容裏路珍金馬玉堂辭漢殿

桃花流水訪秦人敢吟莫：休：句且佚膠：擾：身

高會竹林欣有日剩驚玉友釣溪鱗

頃在道中聞邦衡侍郎將進周禮新解嘗賦詩

就為六月三日壽或謂名在丹書不當玷汙

西清之儁老羞愧而止今蒙附託生朝特貽

佳作既仍舊韵敢隱鄙言狗尾之續斐然鶴

頭之側必矣 壬辰七月

九十談經似子春 杜子春年且九十以周禮授鄭眾等三公虛位待平津

禮文元秉周邦舊義訓重頒楚老新鷓鴣閣行看迎太宰

象篋應記講庖人 去年公在講筵講周禮至庖人而請去 太平致了陰謀

息方信儒真道粹醇

次胡長彥司戶韻為其生日壽長彥新授桂掾

壬辰九月二十五日

十年筆力幹千鈞齒宿於今意轉新櫻伐廣陵聊作賦
梅開桂嶺定宜人暫從南極通冠冕會向東方領縉紳
菊有黃花潭有水願尋漢事壽佳辰

前歲冬至與胡邦衡小語端誠殿下道直夏舊

事今年邦衡舉易緯六日七分之說輒用子

美五更三點為對數日得劉文潛運使書記

去年館中團拜人今作八處感歎成詩 壬辰

十二月

青城小語慶新陽共向紅雲拜玉皇六日七分驚歲月
五更三點憶班行屬車誰從黃麾仗鈞艇還飛白羽觴
猶勝去年三館客十人八處耿相望

十二月十九日餞別劉文潛運使明日書來云

醉夢中作小詩但記後兩句為足成之 壬辰

幽人門巷冷如水使節光華肯再登今夕青燈話三館
明年何處說廬陵

胡邦衡賦琉璃燈簾詩次韻 癸巳正月二十八日

鷄林空詫夜明簾鰲禁曾迎金炬蓮却向江城度元夕
同看燈箔樂新年盤紅坐覺光如晝

杜陽編同昌公主
夜以紅琉璃盤盛

夜光珠堂中 鞍白端令意欲仙 兩京雜記漢武時西毒國獻白光琉璃鞍在暗室
中光照十餘丈坡詩漢武憑虛 歸對短檠惟寂寞酒醒
意欲仙益用梁武帝論書事
漏永不成眠

送劉子和教授赴贛州兼簡府主洪景盧二首

癸巳閏正月十日

伊昔青衿地於今絳帳師家聲傳叔贛宦學類先之 李朴

先之贛人後為本州教官 久已鶚音革居然鱣服宜誰開丞相閣此

士獨非奇

藉甚詩書帥中和正爾歌人留河內寇帝念禁中頗餘
事裒丁志多聞重乙科固無官長罵解使客禮多

邦衡再送皇字韻詩來次韻

癸巳閏正月二十日

賓鴻列陣競隨陽却向丹山隱鳳凰銀管題詩紛滿帙

金釵度曲儼分行漢宮早促三更席梁苑行稱萬壽觴

上頃諭公非晚令卿親朕大舉同游大梁又聞虞相陞辭今年當會于東都上壽 顧我飄零無

著處非公前被尚誰望

又次邦衡長子泳總幹韻

癸巳

乃公剛靛迅詞章濟美人推小贊皇君實固難安洛社

子虛亦合薦周行牛屠十九看游及鷗擊三千始濫觴

早向秦淮迎輦輅北征旗鼓正相望 李棲筠文章勁迅在剛靛大臣之日

又次邦衡族姪長彥司戶韻

癸巳

聖世恩榮盛孝章北牕自欲傲義皇通家喜燕鷄豚社
治郡愁親鴈鷺行陌上花開人闕草甕頭酒熟客傳觴
及時行樂君休厭召驛相將項背望

同年楊謹仲教授以詩慶予得郡次韵二首

二月

謬向初元從九旒坐狂朝蹟自宜收虛名誰競西螭角
懶性敢居千騎頭聞道宵衣勞聖主有時夜舞憶神州
二千食祿猶前却何自真封萬戶侯

才氣崢嶸早斷鰲詩豪不獨酒中豪其誰代匹頻傷斷
之子良庖却善刀莫嘆廣文官獨冷絕勝州郡職徒勞

泮宮方采僖侯藻高士休尋仲蔚蒿

邦衡侍郎作一字韻詩贈麻姑觀道士李惟賓

次韵仍效其體 癸巳五月十六日

蓋世成功陋漢黥翻：昭掛許誰縶氣凌霄漢哮崕鵲
文濶波瀾掣海鯨囊水謾疑韓信怯柵淮終畏晉兵勅
先生餘事為詩老天宇行將一柱擎

邦衡生日用舊歲韻 光武以壬午歲起兵宣王
六月北伐皆中興也邦衡

以壬午六月生故用二事
癸巳六月三日

翊戴南陽第一春馳驅北伐太原津天開今代風雲會
運應中興歲月新霖雨正宜蘇大旱 近日禱
雨未應清風未可

作閑人一盃安足為公壽者飲思堂萬斛醇飲思堂春萬斛豈止

二十四考中書而已此則祝壽深意也

李秀實生日 癸巳六月四日

秦陵耆舊日哀槁白也胡為顏色好何曾山林採大藥
更說方書試鴻寶千年鼻祖翔太清至言八十授長生
坐令耳孫守家法八十髻綠雙瞳明昨日人為澹菴壽
今朝竹院笙歌奏二老風流總健強盛事他時恐難又
陛下聖德師文王作興銳欲恢封疆盍歸乎來不可緩
要看梁棟扶明堂

同年楊謹仲教授生日 癸巳六月二十八日

玉筍岩堯秀倚空清江汀滢日朝東杜蕭安在王陳遠
極貴長生總屬公

伯起宜橫講殿經若為臨賀復廬陵嘗為臨賀教授朝來冠雀

銜三鱣敢賀先生自此升

孝行陰功未易量從來家住玉田坊人間聊復三千歲

海上他時日更長廣記揚雍伯有孝行傳種玉之術游海上遇群仙後數年上昇今所居宅

號玉田坊

載酒過門欲壽公酒盃有限壽無窮玉樽祇在天西北

不惜年：為一中神異經西北荒有酒泉上有玉樽取一樽復一樽與天地同休飲此酒不死

邦衡侍郎用洪範五行推薄命而成傑句歎仰
大手幾至閣筆勉廢盛意兼叙天人之應庶
知託契辱愛如此其厚決非偶然耳

癸巳七月十五日

五行陳範推箕子三壽為朋頌魯申二紀環周元附驥

某後公二紀生而
同在午故用馬事 四辰鱗次豈因人 公月日時胎在未
辰卯戌某月日時

胎在申已卯
亥率後一辰 交承紫掖追隨舊逋宿金鑿契分申人事

天時已如此更看坯孰累陶鈞 胡詩用東坡韵
故押西申字

艤舟清江鎮從任子嚴詔運使求菊 癸巳九月五日

陶令思歸未得歸黃花想見遼東籬滿頭須插何容易

且向盤園乞一枝

近會同年賞芍藥嘗櫻桃楊謹仲教授有詩次

韵為謝兼簡周孟覺知縣 甲午三月十七日

清晨自掃落花廳小甕新筍竹葉青簪盞同時過陋巷

臚傳相與記彤庭翻階紅葉葉曾重見 僕十年間
兩直西掖 勅賜朱

櫻亦屢經老去飄零無此夢詩來吟咏有餘馨

用舊韵為邦衡生日壽 甲午

自公重踏秣陵春便覺威加折木津尺五去天沙路近

八千為歲壽盃新休論滄海長生藥要是清朝不死人

萬日夔：觀燮理紀元真欲稱熙淳

同年楊謹仲示薊林諸帖皆以老杜相期惟童
敏德謂不合學東坡殆非知詩者輒用此意
成惡語一篇為誕辰壽祝頌之意見於末章

甲午六月

過江人物向汪曾一世龍門未易登常恐斯文無砥柱
獨推佳句有師承波瀾正使來西蜀廉陛何妨逼少陵
天遣百年如衛武會賡懿戒頌中興

楊謹仲教授和徐師川中秋賞月詩邀余次韻

甲午八月二十日

浥露清如洗明河淨不流珠圓合浦夜潮盛浙江秋
盧肇

賦八月望
潮最盛

朗詠陳王賦幾成法善游廣寒非獨冷莫為

客瓊謀

寄題王公明樞使豫章佚老堂 甲午

君不見當年衛武髦且期尚欲進德明箴規又不見潞
公堂成過九十精神折衝誇德威公今年終六十耳朱
顏綠鬢儼未衰便從午橋樂暇佚寧獨不畏二老譏恭
惟中興聖明主焦心勞思撫四夷山東河北困戎索遠
民日夜思王師樓號籌邊宜屬意堂名佚老誰敢知請
賡方叔壯猷雅第入宣王復古詩

蕭端偉挽詞 甲午

二頃良田數畝居筆耕學殖世名儒蘭闈初喜携兒去
萬里旋悲與婦俱四子澆花非實相百年種德是宏模
素車會葬空閭巷試問他人得爾無

靖州太守李秀實挽詞二首

甲午十二月十一日

好學今康鼎施家古計研旌麾更楚粵翰墨過幽燕晚
厭三刀夢歸開九秩年生榮沒無憾五福定誰先
伊昔觀燈夜居然飲徹明一句聊隱几萬日遽成塋回
首歌鐘地傷心挽鐸聲朔風知客恨猶欲返銘旌

省齋文稿卷第五終

省齋文稿卷第六

周益文忠公集六

古律詩五十四首

起淳熙乙未止淳熙丁酉
餘干臨安

過餘干吳師中秀才以詩惠歛研次韵謝之

乙未
二月壬申

舊曾起草向明光獨與羅文近赭黃三載瓦池研竈墨

因君聊復夢儀鳳

壬辰二月蒙宣召至選德用御前小
歛硯草命相制今適三年矣前輩有

羅文
君傳

恭和御制聞喜宴詩

臣以經筵官預聞喜宴恭覩聖製賜啓駸已
下詩不敢自嘿謹齋沐賡和一篇仰竇宸嚴

臣無任震懼俟罪之至 乙未五月十日

聖武將犁老上庭藝入先選穀中英天扶基業生多士
世遇君師集大成享備釣臺同憂夏啟果分漢會愧桓榮
堯言一日周天下應陋詩人切響聲

次韵賀胡邦衡除龍圖閣學士且為六月三日

眉壽之祝 乙未

馬負義圖二百春榮光猶屬大河津細推班列論思舊

誰似耆英寵數新今班簿中老龍閣便為黃閣老洞巖

應繼紫巖人張魏公與他年笑爾孫思邈只自開皇至

永淳

端明殿學士王日巖挽詞二首 乙未七月

家世三珠樹文章五鳳樓中年穿豹尾晚歲冠鰲頭夷

雅推簪橐清醇動冕旒居然似岐國只欠啟金甌

念昔登黃甲公時上玉堂烏知叨傑直尚及對批章二

紀光陰速三年別恨長懷賢已惆悵感舊更淒涼

次胡邦衡韵 乙未八月十三日

右相虛來三見春都人日夜望平津驂駟開路雲霄逼

霖雨思賢鼎萬新赤縣尚多淪異域潢池猶自擾齊人

謂茶公如不為蒼生去風俗何由使再醇

從駕過德壽宮馬上得程泰之次庚寅玉堂舊

韵有銀章金帶之戲走筆為謝乙未閏九月十七日

推敲也復從鳴鑾鳳口詩盟故未寒兩制空煩舍人樣

僕近日告命及外郎爭比大夫官僕官朝請郎年翰林

今夜仍連直講殿明朝豈兩般畢竟五金如五味莫因

黃白議醎酸

程泰之昨有金帶銀章之句十月二十八日乃

因押伴北使赤岸御筵服重金侍宴紫宸殿

坐間嘗作教語為戲後兩日復得其詩亦再

次韵乙未

甚日重黃侍玉鑾幾時八座佩金寒古詩云眼赤何時

工部云連技不日殿庭属日誇新貴閣門官部曲低頭

拜舊官泰之嘗貳春官五日尹京非細事四時仕宦固

多般泰之今春服綠夏間階緋重行隔品詩仍健應笑

官卑語帶酸

次韵徐元敏推貨同年乙未十一月

當年駕鶴共駉鸞對躡丹梯上廣寒綠髻旋同依帥府

華顛今並列王官文才似我無多子契分於君有四般

唐人與同年詩念舊不妨頻枉駕甕頭隨意酌甘酸

凌閣學景夏也詩二首乙未十二月

南渡衣冠墜依然氣象還向微公數輩誰濟國多艱劔

履星辰上風流水石間名高仍壽考天賦未全慳
聖上開皇極災興纂四書蒼葭依玉樹清水映汙渠自
爾音塵隔思公歲月除佳城空在望無路祖喪車

韓子温尚書以長句送江梅次韵

乙未

憶昔歸田友麋鹿雪裏尋梅踏瑤玉巡簷屢作杜陵笑
窮路幾為步兵哭忽逢綠衣髻如雲歌舞醉人睡昏
覺來但有風相襲夢斷初無香返魂豈知重見長安雪
喜極豐年簫鼓咽更讀裴公東閣詩仍分處士西湖月
皎如玉樹臨我旁幸同待漏靴滿霜但願和羹繼先業
不辭草制搜枯腸

來詩有和羹之句

邦衡侍郎留金陵再用津字韵賦詩謝送賜

復以丙申小春四銜寄贈

乙未

淳熙又貢第三春駟騎星馳度劔津七祖師泉難話舊

謂青原八功德水且嘗新雪亭烹處休裝景火閣煎時却

可人只恐春從官柳動

官柳名邦衡侍婢名

樂天還欲醉精醇

唐朱

敬則傳淳精流糟粕棄

聞西省賞醪醑芍藥戲成小詩奉簡秦之侍講

舍人年兄并以丁香橄欖百枚助筵却求殘

花數枝

丙午三月

群玉園中作主人紫薇花底會佳賓風光總屬程夫子

好念文昌寂寞春

滿架冰肌合碧雲翻階翠袖映紅裙玉堂只有金沙在

伴直明朝又屬君

翰苑僅有此花
秦之明晚直宿

酒頌桐馬莫分甘金賜麟蹄敢掐尖紅白賞殘堪底用

雨中折贈未傷廉

日歷所進書賜
金及酒甚多

從來引玉即拋磚自笑囊空百不堪賴得酒酣湏茗飲

聊將青子助回甘

新鎮江通判蔡湍挽詞

丙申四月二十四日
蘇襄曾孫

計相聲名久不磨慶餘豐報屬君多原鶴重遇非常主

君謨父任三司使
君弟今為戶書

庭鯉仍收最上科

君謨第十人及
第君子戲亦然但

使家聲常燁赫不辭官路獨蹉跎仁人天豈惜眉壽白

要魯門同逝波

君謨享年五十
六端亦五十六

次韵閣刑部才元楊梅 丙申

炎帝^官傘照濤江紅五月獻果明光宮越人一技古所重

蜀無他揚譜則同

蜀中絕
無揚梅

玄珠更將赤水浴流火呈祥

復王屋不伴長安黑彈丸殺吏驚人寒起粟新詩字

含芳鮮大書遺我敦同年請君速訪天竺老食白追繼

仇池仙

東坡寄天竺辨才詩云且食白楊梅蓋山中實
有此果而蜀人註此詩者偶未知耳閣亦蜀人

六曹長貳觀潮予以入直不與晡時大雷雨走

筆戲蔡子平

丙申七月十九日

雷轟萬鼓勒潮回
魚復亭前雪作堆
應為尚書慳且澁
盲風怪雨一時來

走筆答程泰之以簡問蓮社事

丙申七月二十六日

杏壇儼雅猶難考
蓮社荒唐孰肯知
好把鍾山為做鑑
瞿聃留作晚年師

次韻天官韓尚書七月十八日風雨中觀潮予

丙申

禁直惟聞漏鼓催
潮聲遙聽訝蛟雷
忽傳傑句天邊得
如對洪濤海上來

連下是一首

大筆真能袂風雨
小才何敢助消埃
古今竒觀須秋半

好約重銜伯雅盃

程泰之下直某偶被宣鎖相遇於途既到玉堂

讀所留佳句次韻為謝 丙申八月二十三日

天街並踏軟紅塵
飛鞚交馳駭微巡
椒殿敢期當制草
槐庭元擬用儒真
初謂年兄入相故鎖院
鬻方偶免冬龜手
適市深慚旦攫人
早夜祝公登相位
重霑潤筆乃無貧

慶東宮生辰二十韻 丙申

二聖仁無敵
元良敬有加
一丁昌火運
太上丁亥主上丁未殿下丁卯

三合聚皇家
陰陽家以亥卯未為三合
帝子初朱芾
天孫更綠車
東

儲今啟誦重慶藹
勛華異表温而厲
英辭正且葩
日三

朝蠖濩明兩照幽遐周鮑吾何嗜齋蒿爾自邪金昭全

粹質玉裕絕纖瑕唐範刊謠謬恭觀手校唐太宗帝範立經辨等

差嘗蒙俯詢觀六經次第虔心宗淡泊論樂鄙淫哇槁藻書盈軸

寄揚箭列敕共知文武備頻拜聖神嘉盤露清承掌窓

風冷度紗佳辰莫四葉樂歲粟千秬呈瑞芝生草延年

菊試花震維春不老鶴禁壽無涯喜氣均三殿恩頒出

正衙流香傳御酒七寶簇宮茶釘坐麟為脯堆盤棗勝

瓜子生同九月魯國謾多誇

洪景嚴樞密挽詞二首 丙申

兩制摛文壓縉紳三吳耀武見經綸橋留震澤居無擾

舟濟滄溟捷有神宥府嘉猷推乃后陪都遺愛紀斯民

多才多藝無多壽此理憑誰問大鈞

召試曾叨對巨題代言今忝繼前規豐鍾霜響人何在

瓦釜雷鳴愧可知滕駟啟城嗟有日徐鷄醞酒恨無期

玉堂賴有綸章在時展前篇慰所思 公嘗編中興制草

送蔡迨赴桂陽令 齊之後延慶曾孫丙申十月十日

工部詩成滿劍川儀曹文筆照湘南身行蜀棧曾幽討

舟掛吳帆又飽參旒驥有心真自得拔茅無術定誰慙

金蘭定好追英彥蒲穀翻令試子男縣古荒祠憐義帝

地靈勝槩憶蘇耽冰臺小試醫民瘼帛幅高張律吏貪

衛颯化行先禮教

肩吾嘗著禮訓一十篇

茨克政美是耕蚕故家

遺俗今無幾往行前言孰可談鴻鴈峯高書莫繫驪駒

歌闋酒中酣伊予已卜江湖隱靈壽何時寄草庵

丁酉二月二十日同部中諸公遊下竺御園坐

枕流亭觀放閘桃花數萬點隨流而下繼至

集芳亦禁籞也海棠滿山郁李遶欄殆不類

人世間明日而桃花數枝伶俜牕外未時內

直則海棠郁李各一株方開遂賦二絕句

萬點紅隨雪浪翻恍疑身到武陵源歸來上界多官府

人與殘花兩不言

清勝堂前花萬重玉堂署裏兩芳叢應憐寓直清無侶

聊伴哀翁宿禁中

魯季欽嘗數文挽詞二首

丁酉

競爽雲間陸同升天上張東堂聯折桂南省繼含香風

月三千首金絲十二行初終全五福似續付諸郎

自慘江南袂思公歲月徂書來懷棣萼老去重葭莩東

粵仍閩粵當湖遂鏡湖堂成隨一相浮世竟何須

宣州蔡子平尚書淑人居氏挽詞二首

丁酉

八坐夫人貴三刀刺史榮共深偕老慶忽寄悼亡聲寂

寞閨門政淒涼兒女情親交猶雪涕况乃謝宣城

鵝綴聞湘藻，鶴原忝附葭。至今思並舍，晚歲擬通家。只道身長健，那知生有涯。挽謳無好語，聊雜壘頭笳。

東宮出示和御製秋懷詩恭和二首

丁酉八月十日

其近者特蒙頒示御製秋懷詩，繼出殿下和篇，明良相賡，徵角交作，猥緣幸會，獲預榮觀。蟋蟀候秋而吟，葢亦不能自己，謹成二篇，繕

寫投獻，仰塵英鑑，伏深震懼。

沛宮歌風雲威德，加四海雄詞，照千古編簡，亦光彩。惟皇與同符，興寄秋序，改宸章振遠響，寂寞暗衆籟。有如涼颼來殘暑，去安在，願言滯氛曠廊，天宇大。

右恭借御製韻

寒露零太空，清詩出少海。昭融備萬象，衆目眩符彩。二

南可無愧一字，不容改。金聲玉振之遼邈，慶宵籟。

權德輿答

揚河南書慶宵天籟正聲鏗錫

毫芒人，間落神物護在。惟慙小儒情。

未易識其大

右敬和殿下韻

兵部宗尚書延祖挽詞二首

丁酉

北客今無幾，公才合奮飛。再暮騫禁密，仍世攝歸途。星動尚書履，霜留御史威。桑榆初未逼，何乃露先晞。

識面嗟雖晚，論心樂未央。經帷叨並席，官舍許連牆。傲

訝親鍼石，俄驚授印章。

公上印之日僕攝夏官

梅花佳句在，無復

鐵心腸

中奉大夫直徽猷閣致仕邵及之挽詞二首丁酉

廉甚仍知止高風似孔戡北歸垂橐日南省掛冠時清
白傳諸子安閑閱十期今誰主文字好繼退之碑

不殖千金產惟求十畝園湖山堆几席花木報寒暄曾
是尊前客常思醉後言懷賢空有淚無路洒新原

走筆次李仁甫夜直觀月韵二首丁酉

殿中延拜二卿真腰下初橫寶帶新便有堂封佳識在
移庖恰趁謝恩人仁甫正謝日適二參政同過局置酒省中

玉堂清冷夢難頻月姊高寒遠莫親伴值徑須呼苦酒

不應覓句調他人仁甫專飲苦酒

九月二十二日曲宴御詩丁酉

昊穹垂佑福群生涼德惟知儉守成禾黍三登占叶
氣簫韶九奏播歡聲未央秋晚林塘靜太液波閒殿
閣明嘉與臣隣同宴樂益修庶政荅昇平

臣恭和御製晚秋曲宴近體詩一首繕寫投進
冒瀆天威臣無任戰懼俟罪之至

宸遊不為菊叢生歡宴元因穀順閣御芙蓉稱曼壽殿
開選德奏和聲玉觴未飲心先醉寶墨遙瞻眼倍明身
在金坡空感遇論思深愧策平初上壽芙蓉閣移宴選德殿

李仁甫賦詩送其子塾下第歸次韻為贈

丁酉九月

餘力猶能誦稗官與篇隱帙復何難求賢正市千金駿

當賦終微百羽搏搏徒官切喚渡吳江秋水漲解鞍蜀道雪

山寒歸來趁賀新郎罷東閣重尋一笑歡

慶東宮生辰四首

丁酉九月三日

某伏觀崔豹古今注東漢時樂人作歌詩四

章以贊太子之德一曰日重光二曰月重輪

三曰星重暉四曰海重潤舊說云天子之德

光明如日規輪如月重暉如星霑潤如海太

子皆比德故云重也每恨其辭不傳於世茲

者恭遇皇太子殿下吹銅令旦輒補四章仰

祝無窮之壽冒塵英覽伏增戰汗

太陽象真主陽明應誕期

爾雅十月為陽

少陽比儲君生近重

陽時明兩益自然何待卦畫知形容謾辭費詠取重光

詩 右日重光

崔豹稱明君如月有規輪戴嵩論副德桂滿自長春

梁戴

嵩月重輪云皇基屬明兩副德表

况乃秋夜永萬里無

織塵頭歌重輪句照耀率土濱

右月重輪

季秋日在房：心乃明堂煌：心前星於茲侍天王休

符協上象九月誕元良太史言有証重暉照無疆

右星重暉

舊聞西北海巍然峙搖山高辛賢太子制樂山之間坐
閱幾春秋不老常朱顏至今重其潤恩波決人寰右海重潤

送喻宮教良能出倅會稽

拾遺羈旅鑑湖秋太史崎嶇禹穴游只駕貳車良自足
更容營三釜復何求千山徧踏詩才富萬壑臨觀史筆道

稍待政成歸魏闕便從麟閣上螭頭叔寄能詩所至輒賦近嘗進歷代忠

義傳極有史法

恭和御製賜史浩古詩 丁酉十一月

臣伏蒙睿慈頒示御製賜史浩古詩三十韵
臣恭依聖訓賡續進呈效涓塵于海嶽之間

何裨廣大曳螢燭於日月之下或借光輝冒
犯天威臣無任戰慄之至

粵從三代還歲月過千禩時豈無賢君道未契宸旨煌
煌唐太宗勲業在所喜寇攘既掃除蠻貊畢至止循良
布郡邑惠政寬獄市忠賢儼班聯切諫捉浮靡闕輔羅
府兵巖穴聘奇士民生覆盂安國勢太山倚皇心期過
之風下九萬里忠厚培本根文物粲華葉淳熙視正觀
何啻相表裏屬車尚濤江列障隔淮水蠹茲獯鬻氏作
我太清澤坐令營屯衆久費糗糧時中原厭狼貪諸將
空虎視安得貫砮楛來貢尺有咫六合混一家耕桑盛

生齒願言講治道先務當有幾欲仁斯仁至患在未舉
趾而况前史中遺事可尋理衛英爪與牙王魏日兼耳
處中賴房杜虛受忘彼此不聞國異政但見車同軌孰
云古道難僉曰今王是寸陰勝所競盛德日方起舜干
格三苗其效七旬耳軒稱仁無敵傳謂禮可已東觀及
北女會見朝王祀南山竹易殫陛下功難紀儒館謾獻
歌將乃詞之敲

靖州張推官庭傑挽詞

丁酉十一月

青綬當年謾被緇力將儒素換豪華篋中深貯先賢傳
門外常停長者車有子苗畬在經訓平生痼疾是煙霞

花橋卜築花山殯太息中吳好事家

端明尚書汪聖錫挽詞二首

丁酉十二月

性與天真合心惟聖處求有書皆默記無事不冥搜相
業期黃髮祠官恃黑頭為霖幾人望誰料倏成休

刻意追元祐斯文未喪予前生陳正字今代傅中書太

末分携晚東膠覲面初追思二十載痛哭淚盈裾

乾道
庚寅

六月見公姑蘇常語某云幼讀陳後山集見代人乞郡
劄子便能成誦且知其為傅簡獻公作後檢傅集果有
之公豈其
後自歎

秋官少常伯失盃復得乃好客之報來詩誤認

天意遂欲因噎廢食走筆次韻發笑

程泰之
也來詩

文瑞樓

謂不合款客自此雖及門亦不納以順天意○丁酉

郭釜知藏幾百杯韋籬何止一尊壘冶金太盛應須躍
塞馬重歸豈是災車到門前如可却客來梁上若為回
遂疑同舍真疎矣明與劉义亦壯哉

省齋文稿卷第六終

程